




開府元龜



新刊監本冊府元龜卷第五十二

帝王部 五十二

崇釋氏第二



唐肅宗至德中內置道場供奉僧晨夜念佛動教外中宗侍郎平章事張鎬知之奏曰臣聞天子修福當在安養舍生靖一風化未聞區區僧教以致太平伏願陛下以無為為心不以小乘撓聖慮也肅宗甚然之

上元二年四月甲申詔於興寺設高座論講二教七月癸巳於景龍觀設高座講論道釋二教

代宗寶應元年八月癸酉詔曰道釋二教用存善誘至於像設必在尊崇如聞州縣公私多借寺觀居止因茲褻黷切宜禁斷務令清肅其寺觀除三綱并老病不能支持者餘並仰每日三

時行道禮拜如有弛慢並量加科罰又敬宗清淨禮避嫌疑其僧尼道士非本師教主及齋會禮謁不得妄託事故輒有往來非時聚會並委所由官長句當所有犯者准法處分亦不得因茲攪擾分明告示咸使知悉

廣德元年七月壬子大赦改元制河南河北偽度僧尼道士女冠並與正度

二年四月壬申以玄宗諱日度僧道凡數百人乙酉以肅宗諱日度僧道凡數百人

永泰元年九月於京城資聖西明兩寺高置百座講仁王經內出二寶輿中命有力者衣金甲舁出又結綵為菩薩神王及八部鬼神羊車鹿輿牛車內侍魚朝恩護送宰臣及百官列班於光順門觀禮宰臣等表請依班序節級率錢以資僧供二七日

而罷又詔宰臣及兩省五品已上官尚書省四品已上官御史大夫中丞諸司長官並於西明寺行香修齋奏樂竟日而罷俄以吐蕃回紇入寇罷百高座講經

十月復講經於資聖寺

大曆三年正月乙丑帝行章敬寺行香凡度僧尼一千人

二月辛丑萬年縣鎮國寺胡僧純陀自言六百歲臨終遣弟子謁闕以衣鉢傳奉皇帝遣中官以紫衣賜之又遣中官吊祭并護葬事是月興善寺不空三藏上言寺院佛塔先因地震陷壞令將增修下見古堦得一小棺其長尺餘發而視之凡積十餘重棺皆金寶糖飾中有舍利骨及佛髮一條色青而奉其長數尺每棺一鎖規制妙絕有殷仲文題贊處甲辰內出寶輿具威儀迎入內道塲奉之

七月特賜章敬寺孟蘭盆時寺宇新成帝增固極之恩勅百官詣寺行香

四年正月帝以章敬皇太后忌辰度僧尼道士凡四百人是月以修功德使大濟禪師廓清檢校殿中監廓清京城興唐寺僧也以修功德承恩特賜袈裟及廐馬出入禁中無時初賜號大濟至是又寵以班秩京師諸僧咸憚之

二月南天竺國僧三藏文殊德上言廣州南界蕃人新營兩寺望賜寺名詔以寶應廣德二名賜之

七月庚申文成殿置道場為萬姓祈福是日佛見光相自子至丑久而不散六官近侍咸覩文武百官尚書左僕射裴冕等表賀曰聖德動天湛恩育物齋心甲夜稽首梵筵助玄造於慈綠登蒼生於壽域休徵允荅聖功契符騰神光於玉毫發粹容於

金殿宮中咸覩夜後如初臣等得奉殊祥無任歡忻之至伏請編諸史冊宣示中外手詔荅曰朕嗣守鴻業恭臨寶位夕惕若勵蹈于春冰啓三乘之真如為萬姓以祈福大雄感應示現毫光茂對禎祥多慙薄德卿等百辟勤修庶政休徵荐集慶慰當深所請編之史冊宣示中外者依

七年正月興善寺僧特進試鴻臚卿三藏不空獻所翻譯佛經特許編入一切經目不空表曰爰自幼年承事先師大引教三藏和尚二十有四載稟受瑜伽法門後遊五天尋求所未授者外諸經論更重學習凡得梵本瑜伽貞言經論五百餘部奉為國家詳譯聖言廣崇福祐天寶五載却至上都奉玄宗皇帝配命於宮內建立灌頂道場所齋梵經盡許翻譯及肅宗皇帝配天繼聖特奉經旨於內道場建立護摩及頂灌法又為國譯經

勅宣皇化其所譯金剛灌頂瑜伽法門是成佛速疾之路其脩  
行者必能頓超凡境達於彼岸餘部貞言諸佛方便其徒不一  
所譯諸大乘經典皆是上資邦國息滅災危星辰不愆風雨順  
叙仰恃佛力輔成國家謹續集前後所翻譯自開元至今凡一  
百一卷七部以聞詔下有司宣付中外

八年正月乙未勅天下寺觀僧尼道士不滿七人者宜度滿七  
人三七已上者更度一七人二七以下者更度三人

五月庚子以太宗諱日會有司脩四千僧齋於服戒寺

八月戊午修一萬僧齋於慈恩寺為萬姓祈福九年丙戌以肅  
宗諱日度僧尼道士凡二百餘人

六月癸未興善寺僧試馮臚卿不空三藏卒輟朝三日不空西  
域胡僧也敏智多聞學道釋氏經論曉知蕃漢音旨翻譯具業

經凡數萬言帝甚敬之及卒乃下詔曰大道之行同合於異相  
王者至理摠歸於正法方化成之齊治何儒釋之殊塗故前代  
帝王罔不崇信法教引闡與時偕行特進試馮臚卿大興善寺  
三藏沙門大廣智不空我之宗師人之舟楫超詣三學坐離於  
見聞修持萬行常示於化滅執律捨佛護戒為儀繼明善教之  
志來受人王之請朕在先朝早聞道要及當付囑常所歸依每  
每執經內殿開法前席凭几同膠序之禮順風比崆峒之間而  
妙音圓演密行內持扣如流流自涯皆悟祿除昏妄調伏魔寬  
天人洗心於度門龍鬼受戒於神印固以氣消災厲福致吉祥  
實惟引我之多寧止利吾之美當有命秩用伸有禮而得師為  
盛味道滋深思復強名載明前志夫妙界有莊嚴之士內品為  
果地之殊本乎尚德敬順時輿可開府儀同三司仍封肅國公

贈司空謚曰大辨正廣智不空三藏和尚

德宗貞元四年八月御通化門觀章敬寺迎御書院額并鼓吹閱神策馬技

五年三月詔曰釋道二教福利群生舒宇經行必資嚴潔自今州府寺觀不得俗客居住屋宇破壞各隨事修葺

八月詔天下諸上州並宜國忌日准式行香

六年二月乙亥詔喪佛骨於岐陽初岐陽有佛指骨寸餘葬於無憂寺王或奏請出之以示衆帝乃出之置於禁中精舍又送於京師佛寺傾都瞻拜施財物累鉅萬是日命中官送歸岐陽左神策行營節度使鳳翔尹邢君牙迎護葬於舊所

八年七月丁卯幸章敬寺

九年五月賜故杭州徑山寺僧法欽謚曰大覺禪師

六月詔定國忌日寺觀齋僧道人數有差

十二年九月右神策等軍上言宴設堂去年臘日炭車駕臨幸請置寺以貞元鎮國為名從之又詔魏州閭鄉縣龍興寺故阿足師宜謚大圓禪師

十三年四月於曲江南彌勒閣置寺以元普濟為名

七月右神策軍中尉霍仙鶴患特賜馬十疋令諸寺設齋祈福十月景公寺僧寂覺等於京兆府狀訴綱維乾俊等典賣承前勅賜御衣府司推勘所典賣並緣當任事用禁繫乾俊等奏請科罪帝曰本來施於寺家之物若僧自盜竊法律有文今及不為私情事緣常住正當施與之意豈合書以罪名若施與而今存乃是勞歷寺家殊非本施之意僧之言告乃是無知更欲科絕深所無謂宜並釋放

十四年正月南天竺國先進華嚴經殘梵夾令僧般若三藏頌到令保壽寺僧智柔圓照道監虛舟智通等十人同於崇福寺翻譯成四十卷十六年四月以故第二祖惠可禪師賜諡為大引禪師

憲宗元和二年九月乙巳許成都府置聖壽南平二佛寺

三年三月辛亥河中僧會琳撰一切經音并目錄合一百三卷表獻之

六年正月丁巳勅諫議大夫孟簡給事中劉伯芻工部侍郎歸登右補闕蕭俛同就醴泉佛寺閱翻譯大乘本心地觀經

十年三月甲申西明佛寺僧遷寺中之毗沙門神像於開業寺帝命假之騎軍前後翼衛其徒以幢蓋引侍凡數不絕觀者傾都

五月詔京城寺觀講宜准興元元年九月一日勅虔分諸畿縣講宜勒停其觀察使節度州每三長齋月任一寺一觀置講論州悉停惡其聚衆且虞變也

十二年二月丙申置元和聖壽佛寺於右神策軍

五月賜興福寺絹布一百端足

十三年四月甲寅幸興福寺賜絹三百匹辛酉西市百姓於芳林門為無遮僧齋命中使以香施之

十二月庚戌僧惟應寺等辭赴鳳翔法門寺迎佛骨命高品中使杜英琦監焉是月癸亥命中使齋香兼監領宮人十三人赴臨臯驛迎佛骨先是功德使秦鳳翔府法門寺有護國真身塔塔內有釋迦牟尼佛指骨一節其本傳以為當三十年一開開則歲豐人安至來年合發詔許之及至又命中使領禁兵與僧



徒迎護開光順門以納之留禁中二日乃送京城佛寺  
十四年四月乙卯御勤政樓觀都人設僧齋之會陳雜藥百戲  
日入而罷

穆宗以元和十五年正月即位二月河東節度使裴度奏令月  
四日五臺山佛光寺側慶雲見中有金人乘俊猊領徒十萬如  
金仙狀自已至辰方滅

長慶三年八月自復道達興慶宮至通化門賜丐僧等絹二百  
匹十月遣中使劉克明以錢二百五十貫絹二百五十疋賜弘  
福寺以發新鍾

十一月幸通化門觀作毗沙門神因賜絹五百疋

十二月以錢一千貫賜章敬寺又賜毗沙門神額曰毗沙天王  
導以幡幢帝御望仙門觀之遂舉樂雜戲角板極觀而罷

敬宗寶曆元年二月己卯則化度寺經院金寺額寶曆聖福之

院功德使且雜戲聲樂迎以赴寺帝御日營樓觀之丁亥詔兩

街佛寺置方等受戒壇塲自三月十日至四月十日停仍令兩

街功德使各選擇有戒行僧謂之大德者考試僧能暗記經一

五百十絀尼能暗記經一百絀即令與度此事停廢已久所在

衆令忽重置蓋保壽寺僧法貞  
因道塲修功德奏論得請也

八月己丑蓬萊殿會沙門道士共四百人賜食兼給茶絹有差

二年三月庚午鄭滑觀察使李聽上言隋大業初高祖神克皇

帝任鄭州刺史日為太宗文皇帝疾恙祈福於滎陽縣大海佛

寺其塔如響因建一石像像下刊記其事凡十六字歲月既遠

盡翳於土壤中令滎陽縣令李元慶新加嚴飾刺史張仲方立

石為文不敢不奏

文宗太和元年十月江西奏洪州道一禪師元和中賜謚大寂其塔未爇賜額詔賜各圖證之塔

二年七月浙江西道觀察使李德裕奏潤州鶴林寺故禪師玄素傳牛頭山第五祖智威心法是在山大覺之師伏請依釋門例賜謚號塔額勅宜賜謚大律禪師號大寶航之塔

十月河中觀察使薛平奏中條山蘭若營造之初有兩泉湧出今因降誕請號為太和寺許之

開成二年二月甲辰王彥進准宣索內典目錄十二卷乙巳以太宗皇帝先置毗沙門神及功德在蓬萊殿是日移出配諸寺安置

三月甲戌以彗星見命京師諸寺開仁王經道場

宣宗以會昌六年即位五月勅上都添僧尼寺一所每寺三十

人太中元年閏三月帝御紫宸殿謂宰臣曰佛者雖方之教異深助理本所可存而無論不欲過毀以塲令德乃遣下詔有會昌中靈山古跡招提棄廢之地並令復之委長吏擇僧之高行者居焉

懿宗咸通十四年三月詔兩街僧道於鳳翔法門寺迎佛骨

四月八日佛骨至京自開遠門達安福門迎禮之迎入內道場二日出於京城諸寺士女雲合威儀盛飭古無其比遂下制赦京畿及天下見禁囚徒

後唐莊宗同光二年九月赦天下應有本朝所造寺觀宜令所在長吏取寺司常住物添修至萬壽節日須畢其功

十一月甲戌河南尹張全義奏萬壽節日嵩山開琉璃成壇度僧百人勅張全義首冠王臣心明佛性賀善引於淨衆僧福衆

於皇極時欲壇啓琉璃人銓鷲鷲實彰忠節宜示久俞  
十二月乙亥幸廣化寺祈雪二年正月幸鄴都登黎陽山燔香  
于大像間五月戊申幸龍足廣化寺開佛塔請雨  
明宗天成元年十一月勅佛氏之教其來久矣既為空寂之門  
不無高潔之士自淳風久散至道莫隆漸容遊惰之徒雜處緇  
黃之衆罔遵禁戒唯切經求託形勢以擾人豈田資財而潤己將  
思縱志肯樂聚居多於閭巷之間別構住持之所交陳福業潛  
誘聾愚或動吾人或侵併物業如斯之弊其徒實繁朕方靜  
寒區務康黎庶貴臻有益共洽無私宜令徧行告諭應今日已  
前修蓋得寺院無令毀廢自此以後不得輒有建造如要願在  
僧門亦宜准佛法條例官壇受戒不得褻私剃度

二年九月益州孟知祥令僧五人持佛牙長一寸六分云僖宗  
幸蜀時留之今屬應聖加節願資萬壽命宣示近臣

十月五臺山王子寺主僧迂果狀稱為先師廣法大師誠惠建  
塔請名謚為法雨大師慈云之塔

四年八月澤州盤亭山千峯禪寺僧洪密狀奏當院創感應舍  
利塔一所乞賜塔額乃賜號為圓空之塔

長興四年七月命終使押絹五疋百施五臺山僧齋料

末帝清泰元年七月遣供奉官鄭延燧往鳳翔詔胡阿閏梨初  
帝在藩屢與僧言閏梨行高知前事帝深重之

九月詔鳳翔發遣僧祐聖大師至京師

二年正月千秋節樞密使趙延壽獻金繒并大乘經十卷忻州  
刺使劉虔讓獻金字法華經一部大原多僧舍資福一宗尤事

禪譚文武間好佛者多湊其門帝頗宗奉及鎮河中鳳翔僧知  
數者數言帝有金輪之位政僧阿闍梨言事多從故延壽處讓  
有事貢獻

四月丙寅河中栖巖寺弘福院僧惠鑒言先師在龍潛時施賜  
起塔奏號靈應之塔師未有謚詔賜謚貞寂丁卯遣宮奉官李  
彥驥鳳翔法門寺願僧尼道信常舊遊故也乙酉功德使言左  
右街僧錄可肇報在京諸寺院童子行者于千春節考試及限  
各給得文字許令投剃及僧尼沙彌年滿二十受具戒伏其間  
置官壇錄四月十五日僧門結夏至七月十五日方滿至千春  
節前門置戒僧徒之其功德使奏每年誕節諸州府奏薦僧道  
應制科持念科禪利聲讚科道士冠經法科講論科表白科文章  
文章應制科表白科聲讚科焚修科以試其能否從之  
八月杭州錢元瓘言襲爵四年曾無顯效受鳳池之真命降龍

冊以雙封臣特於府城外造寺一所前百步起樓號奉因其寺  
額乞以龍冊為名詔曰錢元瓘效忠建寺此為誕節齋僧龍冊  
為名未柳勤懇宜號千春寺

十月鳳翔言僧阿者梨卒帝嗟借之命翰林學士為誌石

三年遣供奉官劉庚賓往鳳翔法門寺四月八日設大齋會晉

高祖天福二年正月勅西天中印士摩竭陀合衛國大菩提寺

三藏阿闍梨賜紫沙門室利縛羅上靴下刺宜賜號弘梵大師

十一月于闐國僧粵哥羅贊常羅賜紫號昭梵大師

三年十一月庚午西京左右街僧錄可肇等齋佛牙到闕宣

付汴京收掌

十二月戊子勅河陽邢州潛龍舊宅先令選名僧住持宜賜  
院額其河陽曰開晉禪院刑州曰廣法禪院

四年二月庚子以天和節僧尼賜紫衣師號者一百有五寺四  
宇賜名額者凡二十有三襄州香界延州衆寶邢州普會相  
州安福懷州普護鳳翔寶蓮鄭州妙香棧州淨念洛州天花  
汾州普照洛京廣福鳳州弘利京兆悟空并州定果徐州空  
寂宋州普福遼州澄節許州菩提靖教陳州花臺定業東京  
金明善會十二月丙辰勅凡為精舍持結勝緣清虛則神亦相  
依混亂則人皆不重其或偶然乘輿率爾摸心鄉村接漁獵之  
家廊里定屠酤之戶佛雖無染僧豈不輕宜崇釋梵之因求為  
人天地之化所有自前院宇即且依舊住持今後城郭村坊一  
切不得並造五年二月甲子天和節道釋賜紫衣師號者凡九  
十二人寺宇賜名額者凡二十五所東京寶繩寶像花法林西  
京惠雪京兆

普靜究州等竟玄機蔡州吉祥懷州妙理襄州護國許州定水  
具州寶利博州金繩耀州密行代州仁壽鄴州感化潞州妙士  
定州毗城歧州善竟遺相澤州解空慈州集聖鄆州真竟

四月癸卯連金界寺於五臺止峻極院於嵩嶽

六年二月戊午天和節道釋賜紫衣師號者凡百三十有四寺  
宇賜名額者凡十有九東京靜聖資壽西京仁聖清蓮延慶北  
京靜竟鳳翔弘化定州法海孟州興惠趙州興法襄州延壽延  
州興果相州妙勝潞州慈雲汝州清涼安州竺乾陝州仁壽邢  
州閑心濮州樂壽

五月甲辰加陞彌陀國僧啞哩以佛牙汎海而至  
十二月壬子遣內班史延謫部署僧十四人京城縣開置道場  
以鎮人為安重榮脅制而有殺戮崇其福事

七年正月遣內班衛廷韶鎮州開置水陸道場

二月壬子天和節三京諸道州府奏僧尼道士乞紫衣師號凡百人寺觀名額五十餘處悉從之

五月乙未秦州侯益奏臣頃歲曾為偏將往伐叛逆有願如范延光歸降兵無血刃即於招討使楊光遠中軍寨建一佛刹自後延光果能歸疑克契發心光遠尋施錢三百貫文與臣共力營葺今修成天王院一所乞賜名額勅以福順天王院為名  
少帝開運二年六月定州奏據即山招收指揮使孫方簡狀當少有僧院地居山谷道振鄉閭自蕃戎騷動已來邊界驚移之後多聚強壯自辨戈矛每遇賊軍皆獲勝捷其郎山為易州之中路滿縣之隣封通此往來最為要害乞賜院額者勅以勝福之院為名

漢隱帝乾祐二年太子率更令李守瓊上言二事其一沙門着紫北非佛門貴務奢華以邀名利諸處奏薦蓋出願情以臣愚見不敢便望止絕每歲誕節前據所奏為便令其身隨為章誥闕令功德使召兩街僧官考試所業短長以行恩澤度絕濫奉之間

周太祖廣順二年十一月以在京潛龍宅為佛宮賜號額天勝禪寺

三年十一月中印士僧法進賜紫衣

世宗顯德元年三月親征河東四月丁巳幸團柏谷佛寺賜主僧紫衣

九月以潛龍宮為皇建禪院遣沙門清興主之

是月齊州沙門義楚進釋氏六帖三十卷義楚少負名操亦通

儒學將佛書麗事以類相從擬白氏儒書所集帝覽而嘉之賜紫以衣其書付史館

四年十月賜京城內新寺以天清顯靜顯寧聖壽為名

五年四月征淮南迴戍午至泗州幸普光王寺賜寺僧帛有差六月庚午內出御衣六百餘事錢四十萬羅穀百匹分賜西街僧道令僧修寺觀

六年四月幸滄州駐蹕於乾寧軍賜子域內二寺名額一日迎鑿二曰順聖從寺僧之請也

新刊監本冊府元龜卷第五十二

新刊監本冊府元龜卷第五十三

帝王部五十三

尚黃老

黃帝曰觀天之道執天之行盡矣老子曰我無為而民自化我好靜而民自正信所謂知之修練滌除冲覽拱默垂衣而致治猶龍變而莫測本其妙用歸諸自然故乃凝神御辨抱一執契無可無不可者矣自漢之世崇其言於宮壺孝我已降混其術於神仙或嚴祠於掖庭或講議於斧扆廣設壇醮親受符錄眇嚮報應與時偕行雖崇奉之至亦未能清靜如此也唐禰景胃茂暢真風靈宇相望黃冠交映等其虛無之論列於儒學之科與夫大易神道設教洪範建用黃極愛民治國之要其歸一揆耳

後漢桓帝延熹八年正月遣中常侍佐棺之苦縣祠老子十  
一月使中常侍管霸之苦縣祠老子

九年七月祠黃老於濯龍宮

文尉為壇飾浮金鎖器設華蓋之座用郊天樂

於是百姓

稍有奉者後遂轉盛

晉哀帝雅好黃老斷穀餌長生藥

後魏道武好黃老之言誦詠不倦數召諸王及朝臣親為說之  
太武太平貞君三年正月甲申帝至道壇親受符籙法駕旗幟  
是時道士冠謙之字輔貞南雍州刺史讚之之第自云冠恂  
之十三世孫早好仙道有絕俗之心少修張魯之術服食餌  
藥歷年無郊函誠上達有仙人戒公與不知何許人至謙之  
從母家傭賃謙之嘗覲其姨見與形貌甚強力作不倦請迴  
賃與伐已使役乃將還令其開舍南棗田謙之於樹下坐筭

與墾發致勤時未有筭謙謂之曰汝但力作何為看此二三日  
後來復看之如此不已後謙之筭士懼有所不了惘然自失與  
謂謙之若先生何為不擇謙之曰我學筭累年而近筭周解不  
合以此自愧且非汝所知何勞問也與曰先生試隨與語布之  
俄然便決謙之歎伏不測與之深淺請師事之與固辭不肯但  
求謙之為弟子未幾謂謙之曰先生有意學道豈能與與隱遁  
謙之欣然從之與乃令謙之潔齋三日共入華山令謙之居一  
石室自出採藥還與謙之食藥不復飢乃將謙之入高山有  
三重石室令謙之住第二重歷年與謂謙之曰與出後  
當有人將來但食之莫為疑怪尋有人將藥而至  
皆是毒虫彘惡之物謙之大懼出走與還問狀謙之  
具對與歎息曰先生未便得仙正可謂帝王師耳與事謙之七



年而謂之曰與不得久留明日中應去與亡後先生幸為沐浴自當有人見當與乃入第三重石室而卒謙之躬自沐浴明日中有叩石室者謙之出視見兩童子一持法服一持鉢及錫杖謙之引入至與事所與歛然而起著衣持鉢執杖而去先是有京兆霸城人王胡兒其叔父亡頗有靈異嘗將胡兒至嵩別嶺同行勤望見金室玉堂有一館尤修麗空而無人題曰成公興之館胡兒怪而問之其父曰此是先人成公興館坐失火燒七間房屋被謫為寇謙之作弟子七年始知謙之精誠遠通與乃仙者謫滿而去謙之守志嵩岳精專不懈以神瑞二年十月乙卯忽遇大神乘雲駕龍導從者百靈仙人王女左右侍衛集山頂稱太山老君謙謂之曰往辛亥年嵩岳鎮靈集仙宮主表天曹稱自天師張陵去世已來修

善之人無所師嵩岳道士上谷寇謙之立身直理行合自然才任範首可處師位吾故來觀汝授天師之位賜汝雲中音誦新科之誡二十卷號曰並進言吾此經誡自天地開闢已來不傳於世今運數應出汝宣吾新科清整道教除去三張偽法租米錢稅及男女合氣之術大道清虛豈有斯事專以禮度為首而加以以服食閉練使九疑人長容之等十二人受謙之服氣道引口訣之法遂得辟殺氣盛體輕顏色殊麗弟子十餘人皆得其術泰常八年十月戊戌有牧土上師李譜文來臨嵩岳云老君之玄孫昔代郡桑乾以漢武之世得道為牧土宮主領治三十六土人鬼之政地方八十萬里有奇蓋曆術一章之數也其中為方萬里者有三百六十萬遺弟子宣教云嵩岳所絡廣漢平地方萬里以授謙之作誥曰吾處

天宮敷演真法處法道年二十二歲除十歲為童蒙其餘十二年教化雖無大功且有指教之勞今賜汝遷入內宮大貞大寶九州真師治鬼師治民師繼天師四錄修勤不懈依帝復遷賜汝天中二貞大文錄刻百召神以授弟子文錄有五等一曰陰陽大官二曰正府三曰正房貞官四曰宿宮散官五曰並進錄生壇位禮拜衣冠儀式各差品凡六十餘卷號曰錄圖貞經付汝奉特輔佐北方泰平貞君出天宮靜論之法能興造克就則起真仙矣又土上生民未劫垂及其中行教甚難但令男女立壇宇朝夕禮拜若家嚴君功及上世其中能修身鍊藥學長生之術即為貞君種民藥別授方銷鍊金丹雲英玉漿之法皆有訣要上師李君手筆有數篇其餘皆正貞書曹趙道覆所書古文馬跡篆隸雜體辭義約辨

婉而成章大與世禮相准擇賢推德信者為先勤者次之又言二儀之間有三十六天天之中有三十六宮宮有一主最高者無極至尊次曰大至貞尊次天覆地載陰陽貞尊次洪正陽尊姓趙名道隱以殷時得道牧土之來赤松王喬之倫及韓終張安世劉根張陵近世仙者並為翼牧土命謙之為子與群仙結為徒友幽冥之事世所不了聽謙之具問一二告焉經云佛者昔於西胡得道在四十二天為延貞宮主勇猛苦教故其弟子皆髡形染衣繼絕人道始光初奉其書而獻之世祖乃令謙之止於張懼之所供其食物時朝野聞之若存若亡未全信也崔浩獨異其言因師事之受其法術於是上詠讚明其事曰臣聞聖王受命則有天應而河圖洛書皆寄言於蟲獸之文未若今日人神接對手筆粲然辭肯

深妙自古無此音漢高雖復英聖四皓猶或耻之不為屈節  
今清德隱仙不召自至斯誠陛下作蹤軒黃應天之符也豈  
可以世俗常談而忽上靈之命臣懼竊之大武欣然乃使謁  
者奉玉帛牲牢祭嵩岳迎致其餘弟子在山中者於是崇奉  
天師顯揚新法宣布天下道業大行浩然天師禮拜甚謹人  
或譏之浩聞之曰昔張釋之為王生結襪吾雖才非賢哲今  
奉天師不愧於古人矣及嵩高道士四十餘人至遂起天師  
道塲於京城之東南重壇五層遵其新經之制給道士百二  
十人表食齋肅祈請六時禮拜月設厨會數人十大武特討  
赫連昌太尉長孫嵩難之太武乃問函徵於謙之謙之對曰  
必克陛下神武應期天經下治當以兵定九州後文先武以  
成太平貞君三年謙之奏曰今陛下以貞君御世建靜輪天

宮之法聞古以來未之有也應登受符書以彰聖德大武從  
之於是親至道塲受符錄備法駕旗幟盡青以從道家之色  
也自後諸帝每即位皆如之景穆太子見謙之奏造靜輪宮  
必令其高不聞鷄鳴犬吠之聲欲上與天神交接巧役萬計  
經年不成乃言於大武曰人天道殊早高定分今謙之欲要  
以無成之期說以不然之事財力費損百姓疲勞無乃不可  
乎必如其言未若因東山萬仞之上為功差易大武深然景  
穆之言但以崔浩贊成難為其意深吟者久之乃曰吾亦知  
其無成事既余何惜三五百功九年謙之卒葬道士之禮先  
於未亡謂諸弟子及吾之在汝曹可求仙錄吾去之後天宮  
貞難可復遇設會之日更布二席於上師坐前弟子問其故謙  
之曰仙官來是夕卒前一日忽言吾氣息不理腹中大痛而

行止其常至明且便終須臾口中氣狀若煙雲上出窓中至  
天半乃消尸體引長弟子量之八尺三寸三日已後稍縮至  
歛量之長六尺六寸於是諸弟子以為尸解變化兩去不死  
也時有京兆人常文秀隱於高高徵詣京師大武曾問方士  
金丹事多曰可成文秀對曰神道幽昧變化難測可以間遇  
難以豫期呂昔者受教於先師曾聞其事未之為也大武以  
文秀閔右毫族風操溫雅言對有方遣與尚書崔贖詣王屋  
山合丹竟不能就是時方士志者前後數十人河東祁織好  
相人大武賢之拜織上大夫潁陽絳帻聞喜矣即道引脩養  
積年百餘歲神氣不衰常農間平仙博覽百家之言然不能  
達其意解占應對義旨可聽大武故授之官終  
辭不受扶風魯祈連赫連屈子暴虐避地塞山教授弟子數

百人好方術少嘗憇河東羅崇之常餌松栢不食五谷自稱受  
道於條山大武令崇還鄉里立壇祈請老亡條山有穴與莫菴  
蓬萊相屬入穴中得見仙人與之往來詔令河東郡給所須崇  
允行百餘步遂窮後召有司以崇誣罔不道奏治之大武曰崇  
修道之人豈至欺妄以詐於世或傳聞不審而至於此古之  
君子進人以禮退人以禮今治之是傷朕待賢之意遂  
赦之

文成興光元年二月帝至道壇登受圖籙禮畢曲赦京師班賞  
各有差

獻文天安元年三月辛亥帝幸道壇親受符籙曲赦京師時東

王道翼少有絕俗之志隱韓信山四十餘年斷粟食麥通達經  
章書符籙常隱居山深不交世務年六十餘獻文間而召青州  
刺史韓頴遣使就山召之翼乃赴都獻  
文以其仍守本操遂令增給衣食終身

孝文大和十五年秋詔曰夫至道無形虛象為主自有漢以後  
置立壇祠先朝以其至順可歸用立寺守昔京城之內居舍尚  
希今者里宅櫛比人神猥湊非所以祇崇至法清敬神道可移  
於都南桑乾之陰岳山之陽求置其所給戶五十以供祭祀之  
用仍名爲崇虛寺可召諸州隱士負蒲九十人遷洛移鄴踵如  
故爭其道壇在南郊方二百步以正月七日七月七日十月五  
日壇主道士奇人以行拜禮壇祠之禮

後周武帝天和四年二月帝御大德殿集百僚道士等討論其  
藥帝賦詩以紀其迹仍勅於師正所居置隆唐觀及帝營奉天  
宮特置仙遊門以通師正所止之谷  
中宗神龍元年二月制天下諸州各治觀一所咸以大唐中興  
爲名

睿宗景雲元年十月制以洛州相王府宅爲大安國觀

十二月癸未制曰玄元皇帝朕之始祖無爲所庇不亦遠乎第  
八女西域公主第九女昌隆公主性安虛白神馳皎昧並令入  
道奉爲天皇后宜於京城右造觀仍以來年正月令二公主  
入道

二年正月加銀青光祿大夫行太子率更令史崇玄爲金紫光  
祿大夫大清觀主

三月癸酉制爲皇女金仙女真三公主於京城各置一觀仍以  
金仙玉貞爲名

四月手制曰朕聞釋及玄宗理均逆異極人救俗教別功齊豈  
於中間妄生彼我不遵善下之旨相高無上之法有殊聖教頗  
失彛章自今每緣法事集會僧尼道士女冠等宜令齊行並進

玄宗開元八年六月道士葉法善卒制曰故道士鴻臚卿真外  
置越開公葉法善天資精密妙理幽暢包括祕要發揮靈符固  
以冥默難原希夷罕測而情棲蓬閣迹混朝伍保黃冠而不拔  
加紫綬而非榮卓爾孤秀冷然獨往勝氣絕俗貞風無塵金骨  
外聳珠光內映斯乃躰應中仙名升上德朕嘗聽政之暇屈詢  
至道公以理國之法屢奏昌言謀參隱諷事宣弘益歎徽音之  
未泯悲形解之俄留何莫憇遺殲良奄及惟平昔感愴于懷宜  
申禮命式資泉壤贈越州都督法善三世為道士皆有攝名徵  
養占卜之術高宗聞法善入禁  
諸京師法善自高宗則天中宗殆丑士年常來名山數詔莫之  
中及禮間道然排捨佛法議者或議其向肯以其術高終封越  
測也睿宗即位稱法善有冥助之功先天三年拜鴻臚卿州刺  
國公仍依為道士止於京師之景龍觀又贈其父為欽與為此  
使當時尊寵莫  
年九十卒  
九年三月置石柱於景龍觀今天台道士司馬承禎依礫邕石

柱三書躰寫老子道德經

十年正月己丑詔兩京及諸州各置玄宗皇帝廟一所並置崇  
玄學其生徒令習道德經及莊列文子等每月准明經例舉送  
四月帝夢京師中少少趾有天尊之象求得之於盤屋棲觀之  
側

十四年九月制曰玄宗皇帝仙聖宗師國家本係昔草昧之始  
告受命之期高祖應之遂於神降之所置廟改縣曰神仙近日  
廟庭屢彰嘉瑞虞荷靈應祇慶載深宜令本州擇精誠道士七  
人於羊角廟中繫齋焚香以崇奉敬

十八年十月命集賢宅學士陳希烈等於三殿講道德經侍中  
裴光庭等奏曰堯舜以揖遜而理湯武以干戈而興或勞神以  
苦形且役智而憔悴慮有生之類雖亦聞於小康無為之風故未

臻於大道今陛下化成天下與道玄同小其有爲之迹弘此不  
言之教將以去華歸本削偽存貞其爲道德之鄉固老莊在之  
術遂命集賢院學士中書舍人陳希烈諫議大夫王迴質侍講  
學士宗正少卿康子元贊善大夫馮朝隱等於三殿侍講敷暢  
貞文演襄城之七聖及姑山之四子理之於國唯清唯淨之風  
修之於身久視長生之道聖化玄運寰嬴樂康咸日用而不知  
實曠代之未有臣忝職司塗編入史策宜示天下帝手詔報曰  
朕處守宗祧祗膺曆數夙夜兢惕懼不克勝求賢臣而委之謀  
猷延學者而咨其博洽用扶不逮雅致咸和既內平而外成且  
刑清而訟息端拱多暇留意典墳以爲道者立妙之宗德爲教  
化之本講諷微旨稽詳秘文庶無爲而政或不宰而物應豈敢  
比德克舜論功湯武者哉然必先正其心深思建於遐邇務惟

齊俗亦欲申於兆庶必若同歸清淨共守玄默所陳編示良用  
多慙

十九年五月壬戌置五岳貞君祠廟各於岳下選德行道士數  
人焚香洒掃焉初司馬承禎隱於天台徵至京師承禎因上言  
今五岳神祇皆是山林之神非正貞之神也五岳皆洞府各有  
上清真人降任其職山川風雨陰陽氣序是所理焉冠冕章服  
佐從神山皆有各數請立齋祠之所帝從其言因勅五岳各置  
貞君祠一所其形像制度皆令承禎推按道經創意爲之

二十年四月己酉勅曰五岳先制貞君祠廟朕爲蒼生祈福宜  
令祭岳使選精誠道士以時設醮及廬山使者青城丈人廟並  
准此祭醮

二十年正月制曰老子道德經宜令士庶家藏一本每年貢奉

人量戒尚書論語策一兩條准數加老子策俾郭崇道本弘益  
化源今之此勅亦宜家置一本每須三省以誠朕懷侍中裴光  
庭等奏曰伏見昨日一勅教示百寮爰及兆庶聖恩博洽德澤  
如天亦既生成載加誨最莫不迓善戒知向方臣忝在樞衡未  
有弘益忽承天獎曠若發蒙雖義軒上皇光舜至德無以加也  
天下章甚云云望編入國史以示將來從之詔曰玄元之教家  
國是資匪為先祖貴神道本所以首歲元日因行春令清淨之  
政期諸相國乎為官擇才可以先淳素也

二月逸人張杲就徵張杲不知何許人也則天時隱於條山往  
來汾晉間人時傳其有延年秘術自云年十千歲堯時為侍中  
人莫之辨則天遣使召之杲佯死不赴後人復見之往來鎮州  
山中鎮州刺史常濟以狀玄聞宗令通事舍人裴晤往迎之杲

對使絕氣如死人之狀良久漸蘇晤不敢逼馳還具奏玄宗又  
遣中書舍人徐嶠賫璽書以邀迎之杲乃隨嶠至東魯肩輿入  
宮中玄宗親訪以理道及神仙藥餌之事尋下制曰鎮州張杲  
先生遊方之外者也跡老高尚心入窈冥是混光塵召至城闕  
莫詳子之數且謂義皇上人問以道樞盡會宗樞今將行朝禮  
爰升寵命可銀青光祿大夫號曰通玄先生其年請入鎮州賜  
以衣服及雜綵等便放歸山為造樓霞觀於隱所

十二月侍講學士陳希烈等講書畢黃門侍郎同中書門下平  
章事裴耀卿等奏曰臣等伏承陛下講讀尚書周易道德莊列  
畢聖心弘道國訓崇儒玄風遠被更自茲始况以事殷四海念  
切萬方日旰罷朝既披放文內殿風回問俗亦亟爰於行宮漢  
皇以夜無以過此晤老莊之旨齊物而仁怒以行運堯舜之心



稽古則憲帝攸備鉤致遠不疾而速陶鈞庶類品物之歡幸實  
深弘獎大猷簡策之輝光載遠臣等叨陪猷納竊奉音徽慶耀  
之誠倍百常品伏望付史官騰芳盛烈帝手詔報曰尚書雅誥  
周易精微朕幼奉師資未窮奧義故令時講說耳至于莊子及  
道德經迺為表裏詳其所指觸類繁多既問廣成之道復得方  
明之相况之今日千載一時故弘斯義以喻卿也編諸簡牘隨  
卿意焉文武百官尚書左丞相集賢院學士蕭嵩等奏曰伏見  
去年以來有勅令集賢院學士工部侍郎陳希烈諫議大夫王  
迴質膳部郎中馮朝隱等每日侍講玄宗皇帝道德經及周易  
尚書莊子等以今日二十四日講畢臣聞克放上代之文以成  
其聖舜觀古人之象以著其明是知道有可尊禮忘於貴不唯  
聚學將以軌人伏惟開元神武皇帝陛下明實天聰舉惟聖作

道風允洽文教克成猶尚以廣生知以從積學事大稽古書皆  
作微尊祖而習老經躰天而觀易象追廣成之說則問以莊篇  
考唐郊之舊則詳於堯典日者北祠后土東幸溫泉或帝設風  
沙或天將寒雪而講筵必集帳殿如初足以知好學之志彰克  
勤之德雖包義盡卦夏禹受書曷以臻此臣等忝在朝列預聞  
帝道伏請宜付史官頒示天下帝手詔荅曰爰聞集賢引進儒  
道退朝講讀蓋以其常歲月周旋頗尋章句其雅誥則稽之於  
古以負其今道則取之於真不崇其放理國之要可不之謂然  
乎宣付史官依卿所奏

二十二年十月勅曰道家三元誠有科誠朕嘗精意禱亦久矣  
而初未蒙福念不在此今日十四日十五日是下元齋日都人  
內應有屠宰今河南尹李適之勾當摠與贖取其百司諸厨日

有肉料亦責數矣未并百姓間是日并停宰殺漁獵等煎肉料食自今已後兩都及天下諸州每年正月七月十月元日起十三至十五日兼宜禁斷

二十三年三月癸未親注老子并脩疏義八卷及制開元文字音義三十卷頒示公卿士庶及道釋二門听直言可否文武百官右丞相蕭高等奏曰臣等准勅牒問百司并宣示道俗各得報和咸以為玄言造微字統該洽刊成代則欽若聖規觀妙知常與誕而為躰宿疑前失區條沅而畢正是以發揮嚙道教弘長儒風既以化人且聞端本雖旁求異義佇天心而四海同文一辭寧措並請編入史冊藏之祕府許之

六月庚寅嘉州峨眉山醮壇有神灯徧照祥峰群萃或響

八月王屋山道士司馬承禎去世制曰混成不測入寥自化雖

獨立有象而至極則冥故王屋山道士司馬子微心依道勝理會玄遠遍遊名脫少

二十四年八月庚午都城道士於龍興觀設齋發揚御書道德經上表請降中使親王宰相及朝官行香并獻蔬食許之

九月贈故道士王友貞為銀青光祿大夫

二十五年正月癸未以道士尹愔為諫議大夫集賢院學士兼知史官事特賜朝散階制曰古者制長過之官立司過之史所以書君奉箴王闕不次而援准才是與道士尹愔識洞微妙心遊淡泊祗服玄言弘敷聖教雖混齊萬物獨詣於清貞而博宗九流兼通於儒墨朕方貴無名之朴期不言之化資其妙道實彼周行宜居納誨之職仍在計言之地愔上表懇讓優詔許衣道士服事視愔乃受職

二十六年正月丁丑親迎氣於東郊畢制道釋二門皆為聖教  
義歸弘濟理在尊崇其天下觀寺大小各度一七人擇簡約然  
有經業戒行為鄉閭所推仍先取年高者

二十七年十二月宰臣牛仙客李林甫奏曰臣等伏見皇太子  
送十一月德音付史館伏承陛下前曰五日將欲逃幸渭北是  
夜夢玄元皇帝曰明日子欲遊手北神不在此事宜正五更當  
自有應且子之享國多年矣何必此日陛下二更便停勅五更  
至果烈風大起際暮方定夫以玉貞躬妙莫大于皇極盛明致  
理孰盛于吾皇由是感而遂通聖与神合言不測之事示必然  
之期果茲烈風有叶灵夢既彰陛下之祚更表無疆之体同天  
地而夕長若符契之徵驗臣以上自開闢博考讀書神灵郊祥  
帝王膺慶未若有此昭着也臣等謬當樞近又忝史官以預聞

德音不勝抃躍伏望宣示百寮頌及中外帝手詔報曰頃欲渭  
北近遊夢中有命神不守職事不可行出必有各何容易也賴  
玄聖垂告灵應果然朕夙夜驚懷福慶斯在春秋記異况在此  
乎所請宜依

二十八年五月帝謂宰臣曰朕在藩邸有宅在積善里東南隅  
宜于此地置玄元皇帝庙及崇玄學

二十九年正月詔曰三皇之時兆庶淳朴盖由其上以道化人  
自茲厥後為政各異我烈祖玄元皇帝稟大聖之德蘊至道之  
精乃着五千文用矯時弊可以理國家超夫象繫之表出彼名  
言之外朕有處分令家習此書庶乎人用向方致戒不宰慮茲  
下士未達微言是以重有發明俾之開悟期若喪而知夫引善  
貸于無分兩京及諸州各置玄元皇帝庙一所每年依道法齋

醮蕪置崇玄學生於當州縣學士數內均融量置令習道德經  
及莊子文子列子待習業成後每年隨貢奉人例送至省置助  
教一人委所由州長官于諸色人囚精加訪擇補授仍稍加優  
獎是月亳州玄奏玄元皇帝廟中之井涌氣成雲五色相映  
二月帝謂宰臣曰洪州人鄔 玄宗住在文明年中傳玄元皇  
帝真告于天后曰我國祚無窮當千萬君遂便遭禁錮因茲淪  
表自非忠義之士感激過人孰能不避死亡之誅意達神靈之  
命宜與追贈以慰全壤其子瑗亦依資授一官制曰故洪州人  
鄔玄宗往者未應嘉招字于號畧忽覩玄元皇帝俾之升雲空  
中與言使戒天后表國祚中興之運示寶曆無疆之期遂能不  
顧其身來傳此旨竟達幽繫諒可傷咨自非竭節本朝孰克犯  
顏滋日宜加追贈用慰幽魂可贈棣州刺史

三月亳州奏老君廟九井先涸自奉詔增修觀宇九泉皆湧及  
樹枯復榮

四月汶下後帝謂侍中牛仙客中書令李林甫曰朕自臨御已  
來向三十年未嘗不四更初起具衣服禮謁尊容蓋為之蒼生  
祈福也昨十日前禮謁事畢之後曙色未分端坐靜意有若假  
寐忽夢見一貞容云吾是汝遠祖吾之形象可三尺餘在京城  
西南一百餘里時人都不知年代之數汝但遣人尋求吾自應  
見汝當慶沅萬葉享祚無窮吾自度其時合與汝興慶中吾相  
見汝當大慶吾猶未即言語畢覺後昭昭然若有所覩朕即命  
使兼金諸道士相遂於京城西南求諸果於盤屋縣棲觀東南  
山阜間乃遇真容一作迎到便於興慶宮大同殿安置瞻觀興  
夢中無異卿等可入觀之仙客林甫具拜賀上言曰玄元大聖

降見真容感應之徵實符睿德陛下禮至真之道崇清淨之源  
何嘗不禮敬虔誠為蒼生祈福故得真容入夢烈祖表靈求之  
西南果有夢協且興慶宮者潛龍舊邸王業所興當此處而告  
期與嘉名而相會斯乃降于紫府鎮我皇家啓無彊之休論天  
慶之應陛下爰捨正殿以為法堂是尊是崇至敬至極殊常之  
禮將萬福而俱臻無外皆覃及億兆而同慶臣等何幸親諸瞻  
禮自然相好諒絕名言開闢已來典籍所載未之有也請宣示  
中外編諸簡冊帝手招報曰夢之正者是謂通神於惟聖容果  
以誠應豈朕德所及而大道所興再省神靈猶在耳將胎以福  
業代紀彌多初告以行宮乃置之內殿薰之大慶允屬朕躬稽  
之道經以茲為寶當慈育百姓承答神明卿等宗臣宜同朕意  
願揚嘉安敢讓焉

五月庚戌帝夢玄元皇帝告以休期命有司圖畫真容分布天  
下乃下詔曰大道混成乃先於天地至人至教用明於宗極故  
能發揮妙本弘濟生靈使秉心者悟迷方者知復以此救物故  
無棄人其孰當之粵若我烈祖玄元皇矣朕纂承聖業重闡玄  
猷自臨御以來罔不夙夜每滌慮疑想齋心服形體謁於尊容  
未明而畢事將三十載矣蓋為天下蒼生以祈多福不謂微誠  
上達睿祖垂鑒頃因假寐或夢真容既覺之後昭焉以瞻殊相  
自然與夢相協誠為密降仙府永鎮人寰告我無疆之休豈音  
在聽表我以非常之慶靈貺有期乃昊然幽贊宗社儲休豈朕  
虛薄能致茲事若便請之乃垂祗敬且令所司即寫真容分送  
諸道採訪使令當道州轉運開元觀安置所在道士等皆其威  
儀法事迎候象到七日夜設齋行道仍各賜錢用充齋慶之費

自今已後常令講習道經以暢微旨所置道學須倍加敦勸使  
成益是知真理深遠弘之在人不可激揚何以勵俗諸色人中  
有明道德經及莊列文字等委所由長官訪擇具以名聞朕當  
親試別知甄獎今者貞容應見古所未聞福雖始於邦家慶宜  
均於士庶其親王公主郡縣主及内外文武官等並量賜錢至  
体假之辰宜以素飧用中慶樂諸道節度使及將士等亦准此  
其兩京及諸州父老亦量賜錢同此歡宴其錢以當處士物充  
伊爾公卿逮乎黎獻宜勉崇玄化共復溥源宣布遐邇明知朕  
意戊寅有慶雲見于亳州貞源縣玄元皇帝廟兼有白鶴翔於  
廟門樓

八月丁亥陵州奏開元觀老君貞容見儀象分明道士十數人  
皆見久之方隱請頒示天下從之甲午命有司於興唐觀設齋

自內迺玄元皇帝真容于觀宰臣已下百官悉行香有慶雲見  
侍中牛仙客中書令李林甫上表賀曰伏以玄元孚祐聖感潛  
通將垂介福必有丕應頃屬初夏微陽暫憊自夢協以來頻降  
膏澤交茲秋稼成此豐年又數日陰雲通霄澍雨聖容將出天  
景廓清加以非煙在天瑞氣捧日元符稠疊若此再三惟皇祖  
之降灵表吾君以大慶爰自古昔所未嘗聞臣等何人覩茲明  
應伏望宣符史官帝曰卿等表言數事皆聖祖啓祐應以隨迎  
祇顧薄躬對越灵命編于史冊隨卿意焉

九月御輿慶門樓親視明道德經及莊文列子舉人問策曰朕  
听政之暇常讀道德經文列莊子其書文約而義精詞高而旨  
遠可以理國可以保身朕敦崇其教以左右人也子大夫能從  
事于此甚盛嘉之夫古今異宜文負相變若在宥而不理外物

而不為行遠古之人非御今之道適時之術陳其所宜又禮樂  
刑政所以經邦國聖智仁義所以序人倫使之廢絕未知其旨  
道德曰絕學無憂則垂進德修業之教列子立命曰經汝奚功  
於物又遠稱惡勸善之二旨孰非何優何劣文字曰金積拚廉  
壁襲無贏且申其義莊子曰恬與知交相養明徵其言使一理  
混同而教兼卒戎不易之則副虛佇之懷有姚子彥靳能元載  
等策入第各授之以官

十二月勅曰朕每念黎庶無忘鑿探異其家給而足富而且壽  
弘濟之方莫如道教大聖垂範微言樂然遵而行之其應何遠  
况時將獻歲萬物發生既叶陽和或存惠養宜令天下諸觀起  
來年正月一日至年終以來常轉本濟經其四大齋日每有官  
齋之日常令講誦庶澤及無外稱朕意焉

是年皇太子奏曰臣弟兄奉恩旨共造大

玄觀廣憑神力永保聖躬望精選二七人度為道士  
上曰道貴清淨必在人弘念尔等勤誠用依來請

是月亳州奏玄元皇帝廟門之南有日丁如璿家有牛忽變成  
青牛事佛仙瑞請頒示中外許之

新刊暨本冊府元龜卷第五十四

帝王部 五十四

尚黃老第二

唐玄宗天寶元年正月甲寅陳王府參軍田同秀上言曰玄元  
皇帝降見於丹鳳門之通衢告錫靈符在戶喜故宅帝遣使旁  
求於函谷故關令尹喜臺西一百三十步發之而得特文武百  
官及宗子僧道咸上表以符瑞感通醜匱貢寶潛應年號先天  
不違願崇徽號光昭典禮累表入帝固辭不受壬申乃下制曰  
神之降休禮無不答未言禋祀必在躬親朕粵自君臨載弘道  
教崇清淨之化暢玄元之風庶乎澤及蒼生時臻壽域積以歲  
月未嘗懈怠豈謂微誠感通烈祖降見乃昭靈命是錫寶符因  
而求之應言而獲亦既至止果表殊徵諒惟祕詞不可詳說然



知國大慶何以過焉是知神仙所緘造化同固爰初有待經蘊  
匱而多時潛應段元若符契之相合景福條介祇畏良深而羣  
官宗室抗疏於外元良諸子屢請於中建緇黃兼彼耆老以至  
懇誠不已前後相仍願加天寶之名用益開元之號顧惟菲薄  
曷以當之然則玄元在乎欽承人心難以推拒順天從衆義協  
至公敬依所請實用多愧斯蓋上玄厚載爰及百神孚佑効靈  
協於睿祖幽贊惟新心曆克彰永代之祥宜遵記典式陳昭報  
可以來月十五日祀玄元皇帝廟

二月乙酉置玄元皇帝廟辛卯親享玄元皇帝於新廟京城斷  
屠宰是月詔史記古今人表玄元皇帝升入上聖

三月丙申追號莊子為南華真人所著書為南華真經庚子帝  
曰莊子號曰南華真人其文列庚桑宜令中書門下更討論聞

奏宰臣李林甫等奏曰莊子既號南華真人文子請號通玄真  
人列子號冲虛真人庚桑子號洞靈真人其數子並望隨號稱  
經從之門下侍郎陳希烈奏曰臣伏見今年二十日恩制以莊  
子號南華真人書曰南華真經然真經所說皆理身之要發明  
奧義有十萬玄言祖述道經含五千微旨嘗作侍講跪演經文  
至於七篇陛下顧謂臣曰其篇有養生主已悟長年之術其次  
有德充符豈無非常之應臣稽首對曰陛下德充於內符應於  
外發言之後必有大慶以應之後篇之中所謂應帝王之篇是  
也今玄元皇帝果降靈符彰寶祚無疆之福含真人知來之旨  
尊以稱謂陳其象設希代之禮曠古未聞臣於此經宿願深重  
授持讀誦三十餘年作禮焚香庶禋聖化獲逢殊慶倍百常情  
特望宣付史官以昭靈應許之

四月戊寅詔曰化之原者曰道道之用者爲德其義至大非聖人孰能章之昔有周秀年代與道喪我烈祖玄元皇帝乃發明妙本汲引生靈遂着玄經五千言用救時弊義高象繫理貫希夷非百代之能儔豈六經之所擬承前習業人等以其卷數非多列在小經之目微言奧旨稱謂殊垂自今已後天下應舉除崇玄學生外自餘所試道德經宜並停仍令所司更詳擇一小經代之其道經爲上經德爲下經庶乎道尊德貴是崇是奉凡在遐邇知朕意焉戊子命有司定玄元廟告享所奏樂太常奏降神用混成之樂從之

六月制曰大道先於兩儀天地生於萬物是以聖哲之後咸竭其誠今後應緣國家制命表疏簿書及所試制策文章一事已上語指道教之詞及天地乾坤之字者並一切平闕宜宣示中外

九月詔兩京玄元廟改爲太上玄元廟天下准此

十一月詔曰善利萬物莫先乎大道乎佑兆庶實賴於尊經朕每念黎庶無忘惠養常冀盡登富壽之域永無凍餒之虞所以去年具有處分令天下諸觀轉本際仙經達至今秋果聞有歲自非大聖昭應孰臻於此宜令天下道士及女道士等待至今歲轉經訖各於當觀設齋慶讚仍取來年正月一日至終年已來依前轉本際經兼令講說其所設齋慶亦宜准此庶使遠近蒙福如朕意焉

二年正月追尊玄元皇帝爲大聖祖玄元皇帝兩京崇玄學改爲崇玄館博士爲學士助教爲直學士更置大學士員又義陽郡築玄元皇帝宮獲玉石貢人獻之

三月親祠玄元皇帝廟追尊遠祖制曰庇生人者必崇於大道  
受成命者實賴於前烈恭惟太聖祖玄元皇帝道光太極首出  
混元弘敷妙門廣運貞化雖乘時御氣既昭升於上清而儲祉  
發祥每孚佑於來裔祚我寶運格于皇天爰自創業迨於茲歲  
頻彰嘉貺屢覩貞容使夫天清地寧物阜人庶六氣時若四時  
未王皆聖祖之感也至道之應也成功不宰豈假於強名降福  
無彊敢忘於昭報是用薦徽號增禮冊蠲繫以盡敬躬親以致  
誠亦既昭格良深感慶宜因展事更廣揚名夫聖人之生乃先  
天地應變無體其德猶龍雖冥冥之初不知孰之子而誕靈之  
後示必有先聖祖父母著在圖諜母益壽氏已崇徽號曰先天  
太后父周正御大夫敬追尊為先天太皇仍於譙郡置廟自餘  
一事已上准先天太后廟例且聖祖所理本在諸天將欲降靈

固宜取象况惟帝號豈可名宮其玄元宮宜改為太清宮西京  
改為太清宮東京改為太微宮天下諸郡改為紫極宮兩京宮  
內道士取先抽有道行者一七人自餘於新度人中簡擇取添  
滿三七人為定額仍各賜近城莊園各一所并量賜奴婢等其  
道士女道士先令司封檢校不須更隸宗正寺所置崇玄置宜  
停古之制禮禮祭用質明義既取於尚幽情實緣於既歿我聖  
祖湛然常在為道之宗既殊有盡之期須展事生之禮自今已  
後每聖祖宮有昭告宜改用卯時已前行禮朕深唯復朴將致  
無為常恐至理難明玄風未暢不有時習焉能化成自今已後  
每至三元日宜令崇玄館學士講道德南華等諸經羣公百辟  
咸就觀禮庶使軒冕之士盡弘南郭之風寰海之內感為大庭  
之俗其崇玄館大學士宜賜物一百匹學士賜六十匹直學士

四十匹宮內先配住道士各二十匹宣布中外令職朕懷初大

咸命人於大白山采白石為玄元聖容與玄宗聖容皆立於玄元右皆依王者充冕之服繪采殊與為之

五月蘇州刺史鄭長裕奏新作玄元皇帝宮有九井自然羅列在宮院內差池階宇洞徹常盈汲用不竭宛合譙宮九井之數望宣付史館頒示天下從之

九月譙郡紫極宮宜准西京為太清宮先天太皇及太后廟亦並改為宮

三載三月兩京及天下諸郡於開元觀開元寺以金銅鑄帝等身天尊及佛各一

四載正月甲子帝於內道場為兆庶祈福親撰黃素文登壇其文騰空自飛上天空中有言曰聖壽延年丁卯皇太子諸王上表賀曰今日六日伏見陛下昭告上帝陰陽下民勤恤蒼先克

成黃素况靈丹神合秘藥天戒聿修增壇奉以行事肅恭展禮飛章騰涌而入雲虛空有言聖壽靈長而象岳休佑靈感曠古未聞伏望宣示朝廷錄付史館手詔報曰頃以獻歲親祠百靈豈精至之上昭而禎祥之屢應神言報休徵之慶黃素飛霄漢之間皆宗社降靈福流寰宇豈予微感獨能致之所請宣示朝廷光於史冊者依

二月辛未中書門下奏曰臣等昨十二日因奏事親奉德音朕以正月甲子日為萬姓祈福初登壇時疾風甚勁及行事之際則恬然清謐又朕親撰黃素文置壇所案上竭誠陳情須臾騰空飛上空中忽聞有言報朕休徵論蒼生福慶及行禮事畢又風起如初朕近於嵩山所鍊藥成其時亦置於壇側及夜左右方欲收藥又空中聞語諸靈官雖已赴大同殿其藥且未須收

此自監守言聲甚勵其左右祇承及道士等聞者莫不驚悚以  
達曙之後然叔其藥朕為蒼生祈福有此殊應與卿等同慶者  
臣聞上天之載雖曰無聲聖人所感必將有應陛下精誠契道  
深仁被物親祈介福用濟羣生法事既陳疾風旋止聖詞上告  
秘錄騰飛遂降神言累呈昭應始則孚祐下土報黔庶之和平  
終乃垂護靈丹表皇期於萬億人聰所接神休莫踰希微之地  
屢有昌言感應之功不惟凶贊殊祥物異振古未聞諒天意之  
合符豈山聲之足比無疆之慶萬國同歡况在微臣實倍常品  
伏望編諸簡策宣示中外帝手詔報曰朕精修道源為人祈福  
雖則每多昭應未若此之殊祥豈聖祖揆予之無私靈貞貺我  
之誠感遂得休徵之應出自神言勤請之祠上飛空境未惟虛  
簿何以當此然福建蒼生深為慰也所請者依

甲午崇玄館學士門下侍郎陳希烈奏曰伏見大清宮道士蕭  
從一云今日五更欲於殿上焚香行至三清門忽有一片紫雲  
從空下兼有異常音樂忽然如夢身心驚駭見空中有異人兼  
仙童玉女謂從者曰我是玄元皇帝可報吾孫汝是上界真人  
令侍吾左右吾真使天匠就助成就訖長衛護汝受命無疆災  
害自除天下安樂言訖隨雲氣便入殿門謹案諸道士學生皆  
稱今日凌晨於三清門外見道士蕭從一鞠躬唱諾三四聲有  
紫雲及音樂後時不散伏惟陛下虔誠奉道福祈所歸置玉石  
貞容侍聖祖左右仙藥下慶天匠助成紫雲徘徊後時不散空  
中有語所報非常言聖壽之延長億萬載之無極伏望宣付史  
館帝手詔報曰續承丕業遵修玄訓精成之至莫在希夷寡昧  
之德寧期昭應恭惟聖祖屢降貞容仙衛接於雲間欵駕迴於

矢路又賜以無疆之壽且所以助成之言嚴奉神休良深祇慶  
所請者依

四月癸巳詔曰尊祖奉先必在於崇敬辨儀正禮所貴於緣情  
伏以大聖祖玄元皇帝御氣升天長生久視體重玄而不測與  
元化以無窮貞容屢見寶符仍集恭惟孚佑實表常存此太清  
宮行事官皆具冕服受及奏樂未易舊名并告獻之時仍陳筴  
祝既非事生之禮皆是降生之儀且貞俗殊倫幽明異數理有  
非便亦在從宜自今後每於太清宮諸宮行禮官宜改用朝服  
兼停祝版其告獻辭及所奏樂章朕當別自修撰仍令所司具  
儀注文奏

七月丁巳蜀郡上言道士鄧紫虛拔龍設醮于江潭有大蛇長  
一丈自潭游出文采五色有異常其蛇上又有慶雲紛郁望編

諸史冊從之乙卯詔曰王者天其祖與者父其師義有尊崇情  
歸孝敬况我玄宗道要無名象先猶龍莫測昔嘗問禮烹鮮有  
論歷代收遵求惟重玄衆教之父者也朕續承聖緒祇服玄言  
乙夜觀書將求於道雖理歸絕學信無取於筌蹄然垂代作程  
義必存乎文字俾之大順亦合禮經其墳籍中有載玄元皇帝  
南華等真人猶稱舊號者並宜改正其餘編錄經義等書亦宜  
以道德經列諸經之首其南華經等不須編在子書仍即令集  
賢院審詳改定應舊號并科目訖具宣付所司仍頒示中外  
五載正月太清宮使門下侍郎陳希烈奏取二日緣告獻大聖  
祖宿齋時日抱戴又今日告獻後有紫雲從殿上起向東南飛  
光昭清宮色盖仙宇久而不散

二月太清宮使門下侍郎陳烈奏曰謹案高上本紀大聖祖

玄元皇帝以二月十五日降生既是吉辰即大齋之日請同四月八日佛生日准令休假一日從之

十二月己東郡興山縣之邑東公山有石自開中間有石堂及天尊儀像幢蓋侍童皆自然具足六載正月詔曰崇我祖訓其惟道門將以福助生靈弘極天下諸觀道士等如聞人數全以脩行多闕其欠少人處度滿七人並取三十以上灼然有道行經業者充仍令所由長官精加試練採訪重覆勿使踰濫度訖挾名奏聞其諸觀有絕無人處三兩人准此簡試

七載五月詔曰朕刻意真經度誠至道既憑玄佑永錫黔黎每朝禮三清則宵衣忘寢或齋戒一室則蔬食精專不以勤躬為儉物以徇物為心况於宰殺尤加惻隱自今已後每月十齋日不得輒有宰殺又聞閭閻之間例有私社皆殺生命以資宴集

仁者之心有所不忍亦宜禁斷又詔曰朕每以道原有屬思竭精誠經教所在豈忘崇奉且宗其道者師其人行其教者尊其禮晉琅邪王公府舍人揚真人護軍長史許真人丹陽上計掾許真人皆道 妙門感通玄闕降高真之跡為上清之宗後漢

張天師教達元和德宗太上正之一道出養生靈梁中散大夫真白陶先生高尚塵表博達玄微綜緝真經俾傳後學並令有司審定子孫將有封植以嗣真也天師冊為大師真白冊贈太保其天下有洞宮山各置壇祠宇每處度道士五人並取近山三十戶蠲免租稅差科未供洒掃諸郡有自古得道并仙之處雖先令醮祭猶慮未周宜每處度道士二人其靈迹殊尤功應遠大者度三人求脩香火其茅山紫陽觀取側近百戶太平崇觀元二觀各一百戶並蠲免租稅差科長充修葺掃洒應天下

靈山仙迹並宜禁斷樵採弋獵如聞山林學道之士每被搜括且法之防邪本有所以至於宿霄妖詭亡命聚衆誘陷愚人故令禁斷郡縣遂一槩追逐使志道之者不得安居自今已後審之清潔更不得恐動以廢脩行

十二月戊戌聖祖玄元皇帝降見於華清宮之朝閣乃改為降聖閣改會昌縣為昭應降見昌山為昭應山封山神為玄德公仍立祠宇以時祭享

八載六月王芝產於大同殿先是大白山人李渾稱於金星洞仙人見語老人云有玉板石記符聖上長生父視令御史中丞王鉷入山洞求而得之制曰握乾圖者必稟於元命宗道本者允屬於強名是知順物承天諒通昭感之德報功尊祖貴叶崇高之義朕底荷丕業恭臨大寶何嘗不宵衣旒纓菲食齋心奉

玄聖之垂範為蒼生以祈福自頃昊穹眷命至道降休王芝再產貞容屢見嘉應荐來罔知彼吝豈謂玄記陰陽祕諜混成懸微造化之源密紀靈仙之洞慶崇真錄昭錫朕躬初驗神傳竟彰天授函深異吐既殊於人伐朴畧奇象固絕於名言緬覲皇圖欽承道寶微旨有屬寅畏增深思申嚴敬之誠以崇久大之業謹上玄元皇帝號曰聖祖大道玄元皇帝仍以來月五日朕親奉冊禮

閏六月丙寅帝親謁太清宮上聖祖玄元皇帝尊號為聖祖大道玄元皇帝丙辰詔玄宗妙本實備微言垂筮傳學將弘至化朕所以發求道之使遠令搜訪因聽政之餘親加尋閱既刊詠謬爰正簡編必在闡揚以敦勸道今內出一切道經宜令崇玄館既繕寫分道送諸道採訪使令管內諸郡轉寫其官本便畱



採訪郡一大觀持誦聖人垂訓蓋先於道學者宗本必有其師  
文宣王與聖祖同時俱為教首雖考言比德理在難名而問禮  
叙經跡彰親授思廣在三之義用崇得一之尊宜於大微宮聖  
祖前更立文宣王儀象與四真人列侍左右且道降真符天有  
成命藏之於密則取固名山彰之以類則發祥星洞况靈仙所  
集宜表殊休太白山可封為神應公所由四時祭祀其金星洞  
改為嘉祥洞所管華陽縣仍一洞置一祠宇仙人臺下置一觀  
兩京并十道於一大郡亦宜置一觀並以真符玉芝為名每觀  
度道士七人修持香火戶部侍郎兼御史中丞王鈇以才受委  
以忠奉上頃命精求名記克協神心宜旌迺誠俾正彰綬特與  
三品其李渾等三人既親傳真誥因獲元符當有甄明用旌福  
應宜令中書門下量其所能具狀聞狀

是日大赦制曰禘祫之禮以存序位質文之變蓋取隨時國家  
系本仙宗業承聖祖重熙累盛既錫無疆之休合享登神思弘  
不易之典自今已後每禘祫並於太清宮聖祖前設位序正上  
以明陟配之禮欽若玄宗下以盡虔恭之誠無違至道比來每  
緣禘祫時享則停事雖適於從宜禮或虧於必備已後每緣禘  
祫其常享以素饌三焚香以代三獻

十二月啓聖宮琢玉造聖祖太道玄元皇帝真容及帝真容  
九載正月東京留守上言清河郡人崔以清今載元日平明於  
天津橋上忽見紫雲為蓋五色雲中前有音樂後有響梵其中  
有一人着黃衣乘青羊口云我是天上李老君有天應云三玄  
在汝本望白馬河南紫微山上得昇處南一百五十步火急發  
取汝帝得之有同三光有四句異言真傳與人汝自見帝乃可

得

二月甲戌吳郡太守林詳上言所部造貞符王芝觀於李樹下  
發得聖祖尊容不勝大慶請宣付史館許之壬寅華陰郡奏白  
鶴見於西岳五福峯耳露降大羅峯之醮壇白鹿見於大羅東  
南峯駕鶴嶺衛叔卿之得仙處請付史官從之三月丁未詔曰  
宜於丹陽郡江寧縣簡擇形勝處創置一觀度道士七人委太  
守精擇灼然有道行者具名錄奏

十月大白山人王玄翼上言玄元皇帝降見言寶仙洞中有妙  
寶貞符詔刑部尚書王倕等獲之

十一月制曰自今已後每親告獻大微宮改為朝獻有司行事  
為薦獻

十載正月有事於南郊於壇所大赦自今已後攝祭南郊薦獻  
太清宮薦享太廟其大尉行事前一日於致齋具羽儀鹵簿公  
卿引入親授祝板乃還清齋所

四月帝於內道場親教道士步虛聲韻道士玄辨等謝曰臣自

凡愚生逢大聖服膺貞教庇影玄門謬得侍奉禁闈恭富待問  
夙夜兢惕將向克堪伏見陛下親教步虛及諸聲讚以至明之  
獨覽斷歷代之傳疑定驕驥於海陸分景鏡於貞偽平上去入  
則備體於正聲吟諷柳揚則宛仍於舊韻使詠之者審分明之  
旨聞之者無譌舛之嫌妙協鈞天克諧仙唱伏以靈彰本趣理  
固如然但為流傳人間訛謬茲久非應道之主孰能正之足可  
以振暢玄風發揮聖祚臣忝趣仙禁願聽正聲欣戴之誠倍萬  
常品特賜編諸史冊宣示中外帝曰一時之事何足言焉所請  
依

六月戊辰中書門下奏曰臣等時於勤政樓下序立恭聞德音今日又道門威儀王虛貞奉宣聖意伏承陛下奉為五聖為一切道德五本於大清宮與唐東明龍興觀各置一本仍各賜絹五百匹以申慶齋臣等伏以至理本平無為乃隱言以演教孝思存乎追遠必精思以報親陛下欽崇道元虔奉先聖更紆睿思刊定貞經玉軸瓊綸既懸之於日月玄宗與旨方下濟於雲霄罔極之情因心知至無彊之福有感必通式明孝理之識更聞上皇之化即知此璧之字則悞俗於羣迷南薰之風思濟人於壽域凡在士庶孰不歡忻臣等謬列台司幸叨宮使感悅之極實萬常情無任抃躍之至望宣示朝廷編諸史冊手詔報白朕恭承丕業稟訓玄宗霜露永懷感思罔極伏以三清設教立聖在天克奉先靈同心薦福今玉板瓊章傳之洞府雲囊縹緱列在仙宗庶以展求慕之心庶以報淳風之化編于簡冊實用愧焉乙亥中書門下奏曰臣等今日因奏事伏承昨日承辰時大同殿前鍾樓上忽聞鍾聲其殿院尚閉院內更無人即令檢覆其鍾樓門及殿院門皆閉須臾其鍾又鳴如此者三度聞鍾聲向六十下其聲清徹特異人間左右侍臣及女道士等皆聞伏以至願通微蘊虛無以為用虔誠上達應精感以郊符陛下端拱穆清欽崇道寶尊玉皇之像未明而朝謁寫瓊經之字乙夜而玄覽雖高居於紫極常屬念於羣生故得契協希夷跡多靈異雖仙樓未啓而神鍾自鳴不候鯨魚之擊徹響於雲漢宛同鸞鳳之音韻諧於金石實表羣仙効祉玄祖呈詳遍圖謀而罕傳貫古今而未有臣等幸參近侍竊聽休徵欣躍之誠實萬常品無任慶抃之至謹奉狀陳賀以聞仍請宣示中外編諸史

冊帝手詔曰朕齋心太同緬覲真績豈精誠遠感而休應存臻  
今九華之鍾三清徹響聲金石氣含虛無是知紫宸之宮雲輶  
降集青童之府烟景來遊將合律於雲璈表同和於陰則靈仙  
坐按福壽昭然永惟嘉祥良深慶慰所請依

八中黔中郎上言紫極宮慶雲見斬春郡上言天長觀聖容玉  
石連華座上產紫芝一本七莖十三載二月親獻大清宮上聖  
祖玄元皇帝尊號曰大聖祖高上大道金闕玄元天皇大帝又  
詔大清宮闕聖祖仙居頰告休徵屢貽啓迪不有優異豈表殊  
常其本宮道士宜各賜物三十段道門威儀玉虛貞賜物五十  
段陪位大德各賜物二十段

十四載四月道士王虛貞卒贈洞微先生虛貞東明觀道士以  
錄得見帝方崇玄言頗重之俾為道門威儀翰林供奉賜紫帔  
監領諸道士及卒帝

十月御注道德經并義疏分示十道各令述內傳寫以付宮觀  
十五載九月帝在蜀令道士於文人廟修醮壇有蛇見于廟前  
頭有肉角山上明燈自然明照

肅宗至德二年三月庚午通化郡上言玄元皇帝真容見  
十二月詔天柱山老君廟改為啓聖宮

乾元元年二月旱於曲江池投龍祈雨又令道士何智通於尚  
書省都堂醮土神用特牲設五十餘座右僕射裴冕及尚書侍  
郎郎官并就位如朝儀

四月丁未內出皇帝寫真圖自光順門送太清宮諸觀道士都  
人皆以棚車幡花鼓樂迎送

二年十一月殿中監戎國公李輔國奏大明宮三殿前設河圖

羅天大醮其夜及晨有龍見於御座褥宛轉鱗甲脚踏遍於褥上以其褥示朝臣

上元二年七月癸巳於景龍觀設高座講論道釋二教丁酉遣公卿百寮悉就觀設齋聽講論自宰臣以下賜錢有差

九月詔曰國之大事郊祀為先貴其至誠不美名品黍稷雖設猶或非馨牲牢空多未謂能享今以玄元孚佑至道為心將臻

大和不欲多殺禮樂殊制孝敬同歸圓丘方澤任依常享宗廟祭祠但臨時獻熟用懷明德之聲庶合西隣之祭

代宗寶應二年七月壬寅羣臣上尊號壬子大赦改元制河南河北偽度僧尼道士女冠並與正度

大曆三年七月增置崇玄生員滿百人七年二月光天觀道士檢校殿中監冲虛先生申甫上言請下

制誠天下道士增修道法許之四月申甫又上言玄真觀開元觀光天觀並載先帝聖謚請至諱日各於其觀行香從之

八年正月乙未勅天下寺觀僧尼道士不滿七人者宜度滿七人三七已上者更度一七人二七已下者更度三人

九年四月丙戌肅宗忌日度僧尼道士凡二百餘人十一月潤州上元縣石頭城新置大曆大一之觀選道士七人

住持十二年十二月詔天下仙洞靈跡之處禁樵蘇十三年七月乙巳新作乾元觀置道士四十九人以追遠之福

上資肅宗也其地在皇城南長興里本汪源鄭度使馬璘之宅璘初創建是宅重價募天下巧工營繕屋宇宏麗冠絕當時璘

將卒抗表獻之帝方軫懷罔極欽崇道福以其當皇城形勝之

地墻宇新絜遂命為觀加乾元名焉先皇尊號也仍遣道門威儀申甫司其事

德宗貞元五年三月詔曰釋道二教福利羣生館宇經行必資嚴潔自今州府寺觀不得俗客居住屋宇破壞各隨事脩葺

憲宗元和二年正月己酉朔親薦獻于大清宮

八年七月命中尉彭忠獻帥徒三百人修興唐觀賜錢十萬使壯其舊制其觀北拒禁城因是開復道為行幸之所又以內庫緡千疋茶千斤為興唐觀城復道夫役之賜又以莊宅錢五十萬雜穀千石充修道教之費

九年二月內出道教神仙圖像經法九卷以賜興唐觀  
穆宗長慶三年十二月以內庫錢一百貫賜大清真宮道士一人

敬宗寶曆元年七月命左僕射平章事李逢吉攝大尉元孟秋薦獻大聖祖於太清宮

八月己丑幸蓬萊殿會沙門道士共四百人賜食兼給茶緡有差己巳以道士劉從政為檢校光祿少卿賜紫并號昇玄先生  
十月命中書侍郎平章事李程攝大尉元孟冬薦獻大聖祖于大清真宮

十二月命中書侍郎平章事竇易直攝大尉元季冬奏祥瑞為大清真宮

三年三月戊辰命興唐觀道士孫準入翰林五月丁丑賜浙江送到絕粒女道士施子微紫衣一襲緡六百匹銀器二百事命  
中使却送歸本州帝前後累訪貞隱唯子微到粗有修養之術故其去也獲厚賜焉癸未命內官張士清押領光順門進狀山

人杜景先赴淮南浙西江東西湖南嶺南等道訪求藥術之士  
仍送景先衣一襲緡三十匹甲午賜與唐觀錢二萬貫充道士  
劉從政脩院

九月庚午命兩街供奉道士趙常盈等四十人於三殿修三羅  
大醮道場

十月丙寅以大清宮道士趙歸貞充兩街道門都教授博士  
文宗大和七年八月戊子詔曰聖人立極教本奉先王者配天  
義惟尊祖我太祖玄元皇帝肇開寶運垂祚有唐致六合於大  
同濟羣生於壽域保茲鴻業實賴貽謀如聞亳州大清宮頻經  
水潦頗以摧毀永惟誕聖之地敢忘崇本之誠宜令宣武軍節  
度使李程募充亳州大清宮使仍委漸加修葺以時致敬稱朕  
意焉

開成二年正月召麻姑山女道士龐德祖自錄臺門留止王晨  
觀武宗以開成五年正月即位二月勅三月十五日玄元皇帝  
降生日宜為降聖節休假三日

會昌六年中書門下奏東都大微宮初成玄元皇帝玉聖容玄  
宗肅宗皇帝玉貞容已今移就位請差右散騎常侍裴泰章充  
使陳薦維新之意

哀帝天祐二年四月大清宮使柳璨奏修上清宮畢請改為大  
清宮從之詔曰玄元皇帝肇基聖緒敷祐神孫瓊派靈長共乾  
坤而莫極瑤圖貞固與日月而莫窮是以我朝追崇并業昭祀  
禮因尊祖爰陳恭敬之文事匪求貞且異虛無之旨此者常如  
九廟別置一宮東選以來欲修而未暇北觀之內遂薦享以從  
且每備菜盛靡稽故實祝史正辭而追遠雖屬猶龍宰臣蕭拜

於當陽如水罔象徒陳玉笋莫對瓊儀瓌練達舊章振舉重職  
爰思改作頌謂協宜庶不憊而不忘致未顧而未享又尋玄圃  
如得瀨鄉古殿密清喬木蔭賢可以仰規紫府便號清宮捨短  
從長斯為智士尋源正始實賴賢臣合儀允俞殊可加獎  
十月司天臺奏星文變見請於大清宮建黃錄道場從之  
三年六月辛卯大微宮使柳瓘奏前使裴桓充宮使日權奏請  
玄元觀為太清觀又別奏在京弘道觀為太清觀至今未有制  
置伏以今年十月九日陛下親視郊禮先謁聖祖廟弘道觀既  
未修葺玄元觀又在北山若車駕出城禮非便穩今欲只畚北  
却山上老君廟一所其玄元觀請拆入都城於清化坊內建置  
大微宮則車駕行事得禮從之  
後唐莊宗同光三年五月帝出師北門請雨于聖祖玄元廟

明宗天成二年八月左補闕趙明吉上言曰竊見天下宮觀久  
失崇修蓋自朱溫篡逆以來例多毀廢請下諸道應本朝舊制  
宮觀近經毀拆者皆勒增修以奉祖宗以弘孝治光陛下中興  
之業顯國家大道之源復我貴宗貞茲永世其兩京宮觀有公  
田乞免科率俾充齋糧以給正名道士庶懇志焚修期上玄之  
福佑  
九月宗正卿李賞上言四方凡有玄元皇帝宮殿處請依脩飾  
從之

三年五月中書奏假寧令二月十五日玄元皇帝隆聖節休假  
三日准會昌元年二月勅休假一日伏請准近勅從之  
四年十二月壬子勅尊崇聖祖脩飾道宮既復其名固雖無額  
宜令所司依舊造上清宮牌額懸掛兼京城內金貞觀仍改名



崇道觀亦准上給換牌額以老君廟久無牌額故也  
長興四年七月帝遣裕小康召道士二十人於中興殿為金錄  
醮七日而罷

末帝清泰元年七月詔河中脩五老觀

晉高祖天福四年五月庚申廢華清觀為靈泉觀

九月辛卯召道士崇師大師張薦明錫以緡帛薦明燕人也以  
為儒遊學河朔漁獵莊老故性與道俱其後雲衣星冠奉自然  
之教帝素尚玄元御極之初數數召見帝問曰道可以治世乎  
薦明對曰道也者妙萬物而為言抱兩儀而稱德之德上者為  
道得之中者為仁儀得之涼者為禮智涼而失之非人也得其  
極者尸屬衽席之間以治天地豈止乎世也者帝遂延入內殿  
講老子道德經召宰臣馮道授卷而聽道曰道士講老子僧人

受具戒全文有之不可輕也帝遂禮之為師益加崇重嘗聞宮  
中奏時鼓乃曰陛下聞鼓聲乎守一而已夫絃匏金石其聲十  
二其黃鍾也唯合於黃鍾其不應者五十有九出乎多門也鼓  
之為音也奚其間然無宮商無角徵無羽無變和而契之其一  
故也人能混成於心則天地俱矣何患世之不淳哉帝由是致  
心虛靜尊道貴德故每一召見多所頒賜

五年五月賜張薦明號通玄先生今以道德二經雕上印板命  
學士和凝別撰新序冠於卷首俾頒行天下

漢隱帝乾祐三年 補闕蘇德潛上言臣聞道以至真為本自  
然為宗者不雜嗜慾之源則安湊虛無之理况兩京道宮是國  
家崇福之地竊見道塲所設齋醮無非蠲潔淨筵蓋表其精處  
也訪聞道士皆有妻孥携在道宮居止不獨傷於教法其實汙

于清虛望特行禁止勅宜令御史臺嚴加告諭不得更然  
周世宗顯德三年十一月命送華州道士陳搏復歸本州帝好  
黃白術有人以搏名奏者命華州送至門下館于內庭居月餘  
凡所咨詢靡聞於外內放還所止仍令本州以時存省  
五年六月出御衣六百餘事錢四十萬羅穀百足分賜兩街僧  
道令修增寺觀

六年二月幸太清觀觀所賜鍾馬先是於乾明門外新修太清  
觀既成帝聞濮州有一鍾其聲甚擲每擊之間數十里乃命徒  
之以賜是觀至是故住觀焉

新刊監本冊府元龜卷第五十四

新刊監本冊府元龜卷第五十五

帝王部五十五

養老

禮曰年之貴乎天下久矣故有虞氏養老以燕禮夏后氏以饗  
商人以食禮周人修而兼用之以八月諸物老成順其時  
氣以助養育天子祖而割牲侯王設醬公卿饌珍所以老窮不  
遺強不犯弱衆不暴寡明長幼之序與挹讓之風習鄉上齒之  
義備矣降及後世述省風俗則先問高年時臨舊都及宴衍故  
老或賜飲於端闕或迴輿於私室而又因灵林之集畢嘉祀之  
禮則錫以鳩杖賁之束帛登板授之以秩開石窀之封此皆介  
景福終之以仁斯教化之大本盛王之令典也流于淳史豈不  
美歟

帝舜養國老於上庠養庶老於下庠

夏后氏養國老於東序養庶老於西序

殷湯養國老於右學養庶老於左學

周文王為西伯制其田里教之樹畜導其妻子使養其老五十

非帛不暖七十非肉不飽謂之凍餒文王之民無凍餒之老者

此之謂也

漢元帝元年三月詔曰非帛不暖非肉不飽今歲首不時使人

存問長老存者視也又無布帛酒肉之賜將何以仇天下子孫孝養

其親今聞吏稟當受粥者或以陳粟稟給也粥淖糜也給米使

南田之詩曰我取其陳豈稱養老之意哉具為令使其條制存人請令縣道

或縣或道皆用此制也有吏吏曰道年八十已上賜米人月一石肉二十斤酒五

斗其九十已上又賜帛人二疋絮三斤絮綿也賜物及當粟粥米

者長吏閱視承若尉致長吏縣之令長也若者豫期之詞不滿

九十嗇夫令史致二十石遣都吏循行都吏今督郵是也問惠

不稱者督之循行有不如詔旨者刑者及罪有耐以上不用此

令一歲為罰作二歲刑以上為耐之能任其罪也又曰刑為先

有被刑罪者不在此賜物令條中也

武帝建元元年二月赦天下民年八十復二等九十復甲卒二

復二口之等也復甲卒不豫車車之賦也

四月詔曰古之立教鄉里以齒朝廷以爵扶世導民莫善於德

然即於鄉里先耆艾奉高年古之道也今天下孝子順孫願自

竭盡目承其親外迫公事內乏財資是以孝心闕焉朕甚哀之

民年九十已上以有受鬻法給米粟以為復子若孫令得身帥

妻妾遂其供養之事子若無子即復孫也遂申也

元教元年四月赦天下賜民年九十目上帛人二疋絮三斤八十目上米人三石

元封元年登封太山還詔行所述至七十已上帛人二疋

宣帝地節三年三月詔賜高年帛

元康元年三月以鳳凰集太山賜三老帛

二年三月以鳳皇并露降集賜天下高年帛

三年春以神爵集太山賜天下高年帛

四年三月詔以迺者神爵加祥賜三老帛人各二疋

神爵元年三月祠后土賜天下高年帛

四年二月詔以迺者鳳皇并露降及神爵集賜天下高年帛

五鳳二年三月鳶鳳集賜天下高年帛

并露二年正月赦天下賜高年帛

三年詔以迺者鳳皇集新蔡賜新蔡三老帛

元帝初元年元賜三老帛

四年祠后土赦汾陽賜高年帛

五年四月賜三老帛人五疋

永光元年正月郊泰畤賜雲陽高年帛

三年赦天下賜高年帛

二年二月赦天下賜天下三老帛

建昭五年五月賜三老帛

武帝建始元年賜三老錢帛

鴻嘉元年二月賜天下高年帛

元始四年正月行幸并泉賜高年帛

哀帝以綏和二年四月即位赦天下賜三老帛

平帝元始元年詔天下吏比三千石以上年老疾仕者參分故祿以一與之終其身

四年二月大赦賜天下高年帛

後漢明帝永平二年十月壬子幸辟雍初行養老之禮詔曰光

武皇帝建三朝之禮而未及臨饗三朝謂明堂辟雍靈臺也耿小子屬當

聖業耿耿猶微也問暮春吉辰初行大射今日元日復踐辟雍尊事

三老兄事五更安車輶輪供綬執授侯王設醬公卿饌珍朕親

祖割執爵而漱字本作酉從音與太祖諱下字音同祝哽在前祝噎在後老人食多

哽咽故置人於前後升鹿歌鳴下管新宮八佾具修萬舞於庭

朕固薄德何以克當易陳負乘詩刺彼已永念懲疚無忘厥心

三老李躬年耆學明五更桓榮授朕尚書詩曰無德不報無言

不酬其賜榮壽闔內俟食邑五千戶三老五更皆以二千石祿

養終厥身其賜天下三老酒人一石肉四十斤有司其存耆羞

卹幼孤惠鰥寡稱朕意焉

三年二月立皇太子賜三老爵三級

八年十月臨辟雍養三老五更

十二年五月賜天下三老爵人三級

十七年五月賜天下三老爵人三級

章帝建初二年冬行饗禮以故司空伏恭為三老侍中騎都尉

周澤為五更

三年立皇后賜三老爵人三級

四年立皇太子賜三老爵人三級

七年九月幸鄴賜三老錢

元和二年二月耕於定陶詔曰三老尊年也其賜帛人一疋

五月詔賜天下高年爵三級

章和元年七月詔曰秋冬是月養衰老授杖仲秋行糜粥飲食令月

仲秋其賜高年二人共布帛各一匹以為醴酪

和帝永光元年十月奉長安詔賜行所過三老錢帛

四年八月賜三老爵人三級

十二年三月賜三老爵人三級

十五年九月南巡賜所過三老官屬及民百年者錢帛

元興元年十二月賜天下三老爵三人級

安帝永初三年正月加元服賜三老爵人三級

元初四年七月詔曰月令仲秋養衰老授杖行糜粥方今案

比之時郡縣不奉行雖有糜粥糠粃相半張吏怠事莫有躬親

甚為詔書養老之意其務崇仁恕賑護寡獨稱朕意焉

延光元年三月改赦賜三老爵三級

李充為左中郎將年八十以為國三老帝常特進見賜以杖几

順帝永建元年正月大赦賜三老爵三級

四年帝加元服賜三老爵人二級

陽嘉元年正月立皇后賜三老爵人三級

三年五月大赦賜民年八十以上米一斛肉二十斤酒五斗九

十以上加賜帛人二疋絮三斤

桓帝建和元年正月大赦賜三老爵三級

二年正月甲子加元服大赦賜年八十以上米酒肉九十以上

加帛二疋綿三斤

永興二年十一月校獵賜所過道傍年九十以上錢各有差

靈帝光和元年冬行辟雍禮以光祿大夫楊賜為三老

魏文帝黃初中蘇林為博士給士中帝依典論所稱蘇林者是也  
也以老歸第國家每遣人就問之數甲賜遺年八十餘卒

高貴鄉公耳露三年八月詔曰夫養老興教三代所以樹風化

垂不朽也必有三老五更以崇至敬乞言納誨者在停史然後

六合承流下觀而化宜妙簡德行以充其選閔內侯王祥履仁

秉義雅志淳固弱內侯鄭小同温恭孝友帥禮不惑其以祥為

三老小同為五更車駕親率群司躬行古禮焉漢晉春秋曰帝

曰昔者明王禮樂既備化之以忠誠忠誠之發形於言行夫大

人者言行動乎天地天且弗為况於人乎臣敢若等曰按晉書

志二年行晉惠帝永平元年五月賜高年帛人三疋

永興元年三月大赦賜高年帛三疋

明帝太寧三年閏三月即位賜孤老帛人二疋

成帝咸和元年二月大赦改元賜孤老米人二斛

孝武天和五年六月賜孤老不能自存者米人五斛

後魏大武時居虵侯羅結年百七歲為長秋卿後年一百一十

詔聽歸老賜大窳東川以為居業并築城即號曰羅侯城朝廷

每有大事騎馬詢訪焉

文成和平二年三月幸中山至於鄴遂幸信都輿駕所過皆親

對高年問民疾苦詔民年八十以上一子不從役

四年三月賜京師民年七十以上大官厨食以終其年

孝文延興三年十一月賜高年布帛

大和元年十月詔七十以上一子不從役又宴京邑耆老於太

華殿賜以衣服

三年五月詔曰昔四代養老問道乞言朕雖冲昧每尚其美今

賜國老各衣一襲綿五斤布絹各五疋

四年七月改作東明觀詔會京師耆老賜綿絲衣服几杖稻米  
審面復家人不徭役

六年三月幸武州山石窟寺賜貧老者衣服

十五年八月議養老

十六年二月賜京邑老人鳩杖八月司徒尉元以老遜位以元  
為三老以前鴻臚卿游明根為五更詔曰夫大道凝虛至德冲  
挹故后土王法玄猷以御世聖人崇謙光而隆美是以天子父  
事三老兄事五更所以訓孝弟於萬國垂教本於天下自非道  
高識博孰能處是以五帝憲德三言乞言若未備一人同之之  
古哲叔世之老孰能克堪師上聖則難為其舉傳中庸則易為  
其選朕既庸寡德謝曩哲老更之選差可有之前司徒山陽郡公

尉元前鴻臚大卿新太伯游明根並元亨利貞明允誠素以著  
英風老敷雅迹位顯台宿歸終私第可謂知始知卒希世之賢  
也公以八十之年宜處三老之重卿以七十之齡可充五更之  
選於是養三老五更於明堂國老庶老於陛下再拜三老三親  
祖割牲執爵而饋於五更行肅拜之禮賜國老庶老衣服有差  
既而元言曰自天地分判五行施用人之所崇莫重於孝順然  
五孝六順天地之所先願陛下重之以化四方臣既年衰不究  
遠趨心耳所及敢不盡誠帝曰孝弟之道天地之經今承三老  
明言銘之於懷明根言曰夫至孝通靈至順感幽孝順之道無  
所不格願下陛念之以濟黎庶臣年志朽弊識見昧然在心之  
憲不敢不盡帝曰五更助三元以言至範敷展德音當克已復  
禮以遵所授禮畢乃賜步輦一乘詔曰夫尊老尚更烈聖同致



欽年敬德綿世齊軌朕雖道謝玄風識昧敵則然仰稟先誨全  
尊猶旨故推老以德立更以元父焉期彰元德焉斯顯矣前空  
公元前馮臚卿明根並以充德懸車懿量歸老故尊公以三事  
更以五錐老更非官蓋耄罔祿然况事既高宜加殊養三老可  
給上公之祿五更可食元卿之俸供養之味亦同其例其後車  
駕幸鄴明根朝於行宮詔曰游五更養素蓬簷歸終衡里可謂  
朝之舊德國之老成可賜帛五百疋穀五百斛勅太官備送珍  
羞後車駕幸鄴又朝行宮賜穀帛如前為造甲第國有大事常  
璽書訪之舊疾發動手詔問疾大醫送藥時奚護為外都大官  
詔以護年邁既未致仕令依舊養老之例

十七年八月帝南伐至肆州民年七十以上賜爵一級

九月濟河詔洛懷并四所過肆州之民百年以上假縣令九十

以上賜爵三級八十以上賜爵二級七十以上賜爵一級

十八年正月帝南巡詔相充豫三州百年以上假賜令九十以

上賜爵二級七十以上賜爵一級孤老不能自存者賜粟五石

帛二疋

八月丙寅詔六鎮及禦夷城人年八十以上而無子孫兄弟終  
身給其廩粟七十以上家貧者各賜粟十斛

十一月辛未詔莫定二州民百年以上假以縣令九十以上賜

爵三級八十以上賜爵二級七十以上賜爵一級

十二月丁卯詔鄆豫二州之民百齡以上假縣令九十以上賜

爵三級八十以賜爵二級七十以上賜爵一級鰥老不能自存

賜以穀帛

十九年四月幸彭城賜百歲以上假縣令九十以上賜爵三級

八十以上賜爵二級七十以上賜爵一級老疾不能自存者賜谷帛

六月帝自伐齊迴車駕所經百年以上賜假縣令九十以上賜爵三級八十以上賜爵二級七十以上賜爵一級孤老不能自存者賜以穀帛

十月曲赦相州民百年以上假郡守九十以上假縣令八十以上賜爵三級七十以上賜爵二級孤老不能自存者賜以穀帛

十二年三月詔畿內七十以上暮春赴京師將行養老之禮三月宴群臣及國老庶老於華林園詔曰國老黃耆以上假以散大夫群守耆年以上假給事中縣令庶老直假郡縣各賜鳩杖衣裳

二十一年二月詔并州士人年六十以上假以群守

三月詔汾州民百年以上假縣令九十以上賜爵三級八十以上賜爵二級七十以上賜爵一級

五月泛謂入河詔雍州士人百年以上假華郡太守九十以上假荒郡八十以上假華縣七十以上假荒縣庶老以年各減一等七十以上賜爵三級時裴安祖為河東州主管後閑居養志不出城邑帝幸常安至河東存訪故老安祖朝於蒲坂帝與語甚悅仍拜安邑令安祖以老病固辭詔給一時俸以供湯藥焉宣武景明三年八月以前太傅平陽公丕為三老

孝明熙平二年四月詔京尹所統百年以上賜太郡板九十以上賜小郡板

神龜元年正月詔京畿百年以上賜大郡板九十以上給小郡板八十以上給大縣板七十以上給小縣板諸州百姓百歲以

上給小郡板九十以上給上縣板八十以上給中縣板  
正光四年七月詔曰聿遵斯在齒預焉一崇敦黃耆先代通訓  
故方叔以元老處位充國緣自強見留雖七十致仕明乎典故  
然以德尚壯許其繫維今庶察之中或年迫懸車循禮宜退但  
以收其力老弃其身言念勤舊眷然未忍或戴白在朝未嘗外  
任或停私歷紀甫授考級如此之徒雖滿七十聽其莅民以終  
常限或新解縣吏或外佐始停已滿七十方求更原者吏部可  
依令不奏其有高名峻德老或髦士灼然顯達為時所知者不  
拘斯例若才非季異見在朝官依合解者可給本官半祿一以  
終其身使辭朝之吏不恨歸於閭巷矣  
孝莊建義元年五月詔上黨百年以下九十以上板三品郡八  
十以上四品郡七十以上品郡

後周明帝武成二年六月己巳板授高年刺史守令各有差  
武帝保定元年正月甲戌詔先經有戎官年六十以上及民年  
七十以上節給板授官

三年四月辛大學以大傅燕國公于謹為三老以食之三老入  
門帝迎拜門屏之間三老各拜有司設三老席于中楹南向太  
師晉公讓升陛設几於席三老升南面憑几而坐以師道自居  
大司寇楚公寧升階正身帝升立於斧扆之前西面有司進饌  
帝跪設醬豆親祖割三老食訖帝又親跪受爵以激有司撤訖  
帝北面立訪道三老乃起立於帝後帝曰猥當天下重任自惟  
不才不知正治之要公其誨之三老各曰木受繩則正后從諫  
則聖自古明王聖主皆虛心納諫以知得失天下乃安惟陛下  
念之又曰為國之本在乎忠信是以古人云去食去矢信不可

失國家興廢莫不由之願陛下守而勿失又曰治國之道必須有法法者國之綱紀不可不正正之之道在於賞罰得宜而已若有功不賞有罪不罰則天下善惡不分人無所措手足矣三老言畢帝再拜受荅拜馬禮成而出

七月丁丑幸津門問百年賜以錢帛又賜板授有差

建德三年詔曰尊年尚齒列代弘規序舊酬勞哲王明範朕嗣承洪業君臨萬邦駟彼兆民實諸仁壽軍民之間年多耆耄眷言衰慕宜有優崇可頒受考職使榮靈邑里

宣德時柱國閻慶於武帝朝抗表致仕慶既衰老常嬰沉痾帝以其先朝耆舊特異常倫乃詔靜帝至第問疾賜布帛千段醫藥所須令有司供給大象二年拜上柱國

隋文帝踐極令皇太子就周致仕柱國閻慶弟問疾仍供藥醫之費

煬帝大業五年二月丙辰宴耆舊四百人於武德殿頒賜各有差

十月癸亥詔曰優德尚齒載之典訓尊事乞義彰昭序鬻熊為乘肩取非筋力方叔元老克莊其猷朕求言稽古用求至治是以危眉黃髮更立收序務簡秩優無虧藥膳疾其卧治竹其弘益今歲耆老赴集者可於近郡處置年七十以上疾患沉滯不堪居職即給賜帛送還本郡其官至七品以上者量給祿廩以終厥身

六年四月帝在江都宮宴江淮已南父老頒賜有差

七年二月詔曰今往涿郡述撫民俗其河北諸郡及山西山北年九十以上者板授大守八十者授縣令

唐高祖武德三年幸稷州召父老置酒高會賜帛  
五年三月宴京城父老賜帛

太宗貞觀三年四月詔高年八十以上者粟二石九十以上三  
石百歲加緇二疋

十月奉隴州詔岐隴二州八十以上賜物百歲以上就於優恤  
五年十二月幸溫湯新豐高年帛

六年三月幸九成宮八十以上賜粟帛

五月宴岐州父老賜帛

九月幸慶善宮賜故老帛

十一年正月宴常安父老於玄武門賜以穀帛

是年車駕在洛陽幸甄權宅禮高年也權潁州人精曉藥術為  
天下之最時年一百三歲拜朝散大夫賜以粟帛被褥几杖因

詔百歲以上者給侍五人

十二年二月宴洛陽父老賜帛有差

十三年正月朝於猷陵三原縣人年八十以上賜物有差

十五年正月如洛陽所過州賜高年穀帛

十五年正月幸魏王宅賜同里老人物有差

五月并州父老請臨幸帝賜宴於武城殿仍賜物遣之

十一月蒐於伊闕詔所經之縣遣使存問高年賜帛綿各有差

十七年六月并州父老詣闕賀皇太子疏爵晉藩賜宴及物以  
遣之

十一月以貞石表瑞制男子年七十以上量給酒米

十八年正月癸卯以將征高麗宴雍州父老百歲以上氈被袍

各一帛十疋粟十石九十以上物五段粟五石八十以上物三

改粟一石

十一月壬申至洛州遣使賁璽書詣鄭汝懷澤四州問高年宴賜各有差壬午宴洛州父老一百九十人於儀鳳殿班賜有差十九年二月發洛陽經遼所經州縣高年賜粟帛行幸次河陽女子呂年百七歲太宗幸其宅存問之氈被袍各一綿帛十段次汲縣女子翟張並年百歲太宗幸其宅存問之賜物如河陽三月次平棘張道鴻之廬賜以衣服道鴻性鄙野無他事行以時常游名山得服食之訣居人問每餌金膏時年百四十六歲十月次營州召父老年七十以上賜繒綿綾錦等二十年幸并州引太原父老宴之賜物有差二月發并州賜所過高年粟有差七月幸靈州賜高年粟帛有差

八月丁卯見京城父老於北闕賜食及粟帛

二十二年三月至玉華宮賜所過高年粟帛

二十三年五月以甘雨降賜天下八十以上粟帛

高宗永徽六年十一月立武氏為皇后赦天下八十以上老人各賜粟二石帛三段百歲以上各賜粟五石帛十段

顯慶元年正月辛未立皇太子赦諸年八十以上各賜粟帛已卯宴京城老人八十以上賜物各有差

二年二月洛陽父老百歲以上氈被一具袍一頤絲絹十段粟二十石仍遣使就家存問九十以上各賜絲絹五疋

十月幸鄭州賜八十以上老人粟帛有差

閏十二月以駕幸東都詔所經處八十以上老人賜氈袍綿絹及粟有差

五年三月幸并州老人八十以上板授刺史縣令并賜氈被粟帛各有差

龍朔元年九月駕幸河南縣婦人張氏第年一百三歲遂賜綰三十疋氈被一具皇后太子亦親問賜以衣服及繒綵

乾封元年正月改元詔諸老人八十以上者假授刺史司馬量賜粟帛

總章二年九月幸岐州賜高年衣服粟帛

咸亨元年十一月將幸東都宴京城父老有不能行者仍許子弟扶之殿庭仍節級賜物及黃袍而遣之

上元三年三月自以州溫湯還賜八十以上老人帛

弘道元年二月大赦天下老人百歲以上者板授下州刺史婦人板授郡君九十以上者板授上州司馬婦人板授縣君八十

以上者板授縣令婦人量賜粟帛

睿宗大極元年正月籍田大赦賜老年九十以上板授下州為刺史緋綵牙笏八十以上板授下州司馬綠衫木笏

玄宗開元二年九月引京師侍老宴于含元殿庭詔曰古之為政先於尚老居則致養禮傳三代行則就見制問百年蓋皇王之勤人教黎庶之為子朕寅奉休曆祗膺聖謨因秋歸而歲成屬星見於郊祀念其將智尤重乞言俾申恩於凡杖期有惠於鄉國九十以上宜賜几杖八十上宜賜鳩杖所司準式天下諸州侍養宜令州縣遂穩便設酒食一准京城賜几杖其婦人則送几杖於其家

三年十月詔古者親問百年義在養老其侍年老九十以上并篤疾各賜物四段綿帛各一屯

十一年正月車駕幸北都詔太原府父老八十以上賜物五段  
板授上縣令賜緋婦人板授上縣君九十以上賜物七段板授  
上州長史賜緋婦人板授郡君百歲以上賜物十段板授上州  
刺史賜紫婦人板授郡夫人

十一月親祠南郊禮畢大赦詔百歲老人賜帛五段粟五石縣  
令至其家存問給付

十三年十月東巡至濮州河南河北五百里內父老各賜帛二

疋十一月封禪禮畢徐會亮汴許仙豫仙等州父老各賜帛二

疋十二月至東都京父拜賀共賜帛以遺之

十五年詔曰吏部選人有亮老不堪釐務者優其資致仕量賜  
多少粟帛

十七年十一月詔諸侍老百歲以上賜綿帛十段九十以上賜

五段八十以上賜三段

二十年十月祠后土畢詔天下侍老百歲以上賜米五石八十  
以上三石

二十三年正月籍田禮畢詔天下侍老百歲以上板授上州刺  
史九十中州刺史八十上州司馬七十以上所由量給酒肉各  
令存問

二十四年八月千秋節召京兆父老宴勅並宜坐食乞樂兼飲  
賜物

二十六年七月冊皇太子大赦天下侍老八十以上者賜粟三  
石帛三段百歲以上賜粟五石綿帛五段並加板授

二十七年二月加尊號大赦詔天下侍老百歲以上板授下州  
刺史婦人板授郡君賜粟五石綿帛五段九十以上板授上州



司馬婦人板授縣郡粟三石綿帛三段八十以上板授鄉郡粟二石綿帛二段

天寶元年正月改元詔天下侍老八十以上者宜委州縣官每如存問仍量賜粟帛侍丁者令其養母孝假者發其在喪此王政優容俾申情理而官吏不依令式多雜役使自今已後更不得然

三載十二月祀九宮貴神禮畢詔天下侍老百歲以上賜綿帛五段粟三石八十以上三段粟兩石

六載正月親祠南郊畢詔天下侍老百歲以上賜綿帛五段粟三石八十以上綿帛二段粟兩石仍令長官存問

七載五月加尊號詔京城父老各賜十段七十以上板授以本縣令其妻板授縣君六十以上板授本縣丞天下侍老百歲以

上板授下郡大守婦人板授郡君九十以上板授上郡司馬婦

人板授縣君八十以上板授縣令婦人板授鄉君仍賜酒麴

八載閏六月冊尊號禮畢詔高年給屬存養因時定式務廣仁

恩及天下百姓丈夫七十五以上婦人七十以上宜各給一人

充侍仍自簡擇至八十以上依常式處分

十載正月親祠南郊禮畢詔天下侍老百歲以上賜綿帛五段

粟五石八十以上綿帛三段粟三石丈夫七十以上婦人七十

已上綿帛二段粟八石

十三載二月冊尊號禮畢詔天下侍老百歲以上板授本郡太

守婦人板授郡夫人各賜綿帛五段粟三石八十以上板授本

縣令婦人板授縣郡各賜綿帛兩段粟兩石

肅宗至德元年即位於靈武詔天下耆壽各賜物五段侍老板

授大守縣令仍各賜物五段

二年十二月敕詔天下侍老八十已上板授有差並賜緋魚袋授大守縣令敕詔天下侍老耒板授者與板授

代宗廣德二年二月親祠南郊禮畢大敕詔天下侍老九十以上板授刺史七十以上板授上佐縣令

德宗興元元年六月發興元詔本府耆老與板授本縣令仍賜緋

貞元五年四月以太子少傅兼禮部尚書蕭昕為工部尚書前太子少詹事遠達為秘書並致仕仍給半祿料後致仕官者亦並宜准此舊例給半祿及賜帛其俸料悉絕帝念歸老之臣特命賜其半焉致仕官給半祿自昕等始也  
順宗即位初大敕百姓九十以上板授及賜各有差仍令官吏

就家存問

憲宗元和元年正月詔天下百姓高年賜米帛羊酒

十四年七月冊尊號大敕委中書門下選除陟使分述天下天下百姓高年者頒賜有差

穆宗以元和十五年正月即位十一月令鄭覃往鎮州宣慰其四州之內有高年不能自存者就給粟米

長慶元年正月郊裡禮畢敕制天下百姓高年者賜粟及綿絹有差

三月以盧龍軍節度使劉總歸詔管內高年不能自存差官就問給賜粟帛

臣欽若等曰唐自武帝已後無實錄故事多闕

後唐莊宗同光元年四月即位制位應諸道管內有高年踰百歲者便與給復求俾除名自八十至九十者與免一子免役州

縣不得差徭

十月德音有年過八十者免一子從征

明宗天成二年十月辛丑詔曰敬老之規前王所重養親之道為子居先應有年八十以上及家長有廢疾者宜免一丁差役俾遂奉養

晉高祖天福二年四月丁亥制洪流之內鄉黨之中宜弘養老之規式表問年之道天下百姓有年八十以上者與免一丁差徭仍令逐處簡署上佐官

六年八月帝幸鄴都制管內耆老八十以上者並與板授上佐周太祖廣順二年十一月左監門衛上將軍李建宗右神武大將軍安伸左領將軍慕容業右領衛將軍劉彥璋各賜紫敬正錦袍金塗銀束帶時建宗等皆年七十餘太祖以舊將累為

制使畱後老居班列故有是賜仍令每日內殿起居退就公食

新刊監本冊府元龜卷第五十六

帝王部

節儉

傳曰儉者國之寶也漢文帝曰吾為天下守財耳豈可妄用之哉蓋王者據神器之重托億兆之上在乎約費以足用崇儉以率下故古先哲王無宮室苑囿之飾無珠玉輿馬之玩衣無文綉食無蕞味不視奇怪之物不聽淫靡之音急於致理薄於自奉繇是風行草偃家給人足氓俗之以淳厚品物以之茂遂故曰上節用則國富君無欲則民安斯之謂矣

黃帝勤勞心力耳目節用水火財物

臣欽若等曰卷中允載年月日者並史闕文余准此

帝嘗取地財而節用之

帝克富而不驕貴而不舒黃收純衣

純一作絞衣古冠冕圖夏名冕日投禮記曰野夫黃

冠純衣士之祭堂高三尺土階三等茅茨不剪採椽不斲屋蓋

服純讀曰緇木名今之櫟木也採飯土簋歆土刑土謂燒土為之糲梁之食

糲粗米也糲糲藜藿之美夏日衣葛冬日鹿裘其送死桐棺三

寸帝舜甑盆無腫而工不以巧獲罪言工不以工巧

夏禹菲飲食而致孝乎鬼神惡衣服而致美乎黼黻卑宮室而

盡力乎溝洫

周文王卑服即康功田功文王節儉卑其衣服以就稼穡之艱難

宣王中興更為儉宮室小寢廟詩人美之作詩干之詩

漢文帝二年十一月詔大僕見馬遺財足遺也大僕見在之

事帝即位二十三年宮室苑囿車騎服御無所增益有不便輒

弛以利民嘗欲作露臺召匠計之直百金上曰百金中人十家

之產也中謂不富不貧吾奉先帝宮室常恐羞之何以臺為今新豐縣

頂有露臺鄉其為高顯猶猶有文帝所欲作臺之處身衣弋締弋阜也身衣弋締又

憤夫人衣不曳地帷帳無紋綉以示敦朴為天下先治霸陵皆

民器不得以金銀銅錫為飾因其山不起墳霸陵文帝陵名又

百姓於靈臺飾帷帳於早囊或有譏其儉者帝曰朕為天下守財耳豈得妄用之哉又東方朔曰文帝集上書囊以為殿帷又

後漢王侍曰孝文皇帝躬衣弋絲草烏常帶

成帝建始二年三月罷六廡技巧官秋成乘輿廐馬

哀帝綏和二年即位詔齊三服綺綉難成害乘輿服御後宮用

度及罷尚方御府百官技巧靡麗無益之物

晉武帝泰始元年十二月戊辰下詔大弘儉約出御府珠玉玩

好之物頒賜王公以下乙亥詔省郡國御調禁樂府靡麗百戲

之技及彫文遊畋之具帝武承魏氏奢侈刻弊之後百姓思古

之遺風乃厲以恭儉敦以寡慾有司嘗奏御牛青絲紉斷詔以

青麻代之

惠帝永興元年十二月丁亥詔自頃戎車屢征勞費人力供御之物皆減三分之一

元帝性簡儉冲素有司常奏大極殿廣室施絳帳帝曰漢文集上書卓囊為帷遂令冬施青布夏施練帷帳將拜貴人有司請市雀釵帝以煩瀆不許所幸鄭夫人衣無文綵從母弟主廩為母立屋過制流泣止之

戒帝咸和七年七月丙辰詔諸養獸之屬損費者多一切除之咸康七年三月戊戌杜皇后薨帝下詔曰吉凶典禮誠宜備設然豐約之度亦當隨時况重壤之下而崇飾無用邪今少陵之事一從節儉上陵賞賜皆是死事勲績之家親戚受寵未曾橫有所及

文成和平四年七月壬午詔曰朕每歲以秋時閑日命群官講武平壤所幸之處必立改作

孝文大和十一年十月辛未詔起部罷無益之作出宮人不執機杼者十一月丁未詔罷尚方綿綉綾羅之功四民欲造任之無禁其御厨衣服金銀珠玉綾羅細綿大官雜器大僕乘其內庫弓矢出其大半班賚官百及京師士庶下至宮商阜隸建於六鎮戍士各有差帝性儉素常服澣濯之衣牽勒鐵木而已帝之雅志皆自類也

西魏高文大統元年九月有司奏煎御香澤頰錢數萬帝以軍旅在外停之

後周太祖性好朴素不尚虛飾常以反風俗復古始為心五年五月免妓樂雜役之徒皆從編戶

武帝保定元年二月丙午省輦去百戲

二年十月戊戌詔曰庶之元首君臨海內乎本宜明教化亭毒黔黎豈惟尊貴其身侈富其位是以唐克疎荒之表鹿糲之食尚臨汾陽而求歎登姑射而

何以克厭衆心憂以尊位朕甚慙焉今巨寇未平軍戎費廣百姓虛空誰與爲足凡是供朕衣服飲食四時所須爰及宮內調度朕今手自減削縱不得頌行古人之道豈日全無庶幾凡爾百司安得不思省約勗朕不逮者哉

天和元年省掖庭四夷樂後宮羅綺工人五百餘人

建德元年十二月庚寅幸會道苑以上善殿壯麗遂焚之

六年正月辛丑詔曰偽齋叛換竊有漳濱世縱淫風事窮彫飾或穿池運石爲山學海或層臺累構槩日陵雲以暴亂之心極

奢侈之事有一於此未或弗亡朕菲食薄衣以弘風教追念生民之費尚想力役之勞方當易茲弊俗率歸節儉其東山南園及三臺可並毀撤凡木諸物凡入用者盡賜下民山園之田各還本主

五月己丑詔曰朕欽承丕緒寢興寅畏惡衣菲食貴昭儉約上棟下宇土階茅屋猶恐居之者逸作之勞詎可廣夏高堂肆其嗜欲往者家臣專任制度有違正殿別寢事窮壯麗非直彫墻峻宇深戒前王而締構弘敞有踰清廟不軌不物何以示後兼東夏初平民未見德率先海內宜自朕始其露寢會義崇信合光雲合思齊諸殿等農隙之時悉可毀撤彫斲之物並賜貧繕造之宜務從卑朴癸巳行幸雲陽宮戊戌詔曰京師宮殿已從撤毀并鄴二都華侈過度誠復作之非我豈容因而弗革諸堂

殿壯麗並宜除蕩薨宇諸物分賜窮民三農之隙別漸營構止  
蔽風雨務在卑狹帝性既明察少於恩惠凡布懷立行皆欲踰  
越古人身衣布袍寢布被無金寶之飾諸宮殿華綺者皆撤毀  
之改為土階數尺不施樞橫其彫文刻鏤錦綉纂組一皆禁斷  
後宮嬪御不過十數人

隋高帝居處服翫既務存節儉令行禁止上下化之開皇仁壽  
之間丈夫不衣綾綺而無金玉之飾常服率多布帛裝帶至以

銅鐵骨角而已難畜於財至賞賜有功亦無所愛悵帝既躬履

咸服澣濯之衣乘輿供有故弊者隨令補用皆不改作非專燕

之事所食不酒一肉而已有司嘗進乾薑以布袋貯之帝因以

為費大加譴責後進香復以氈袋因答所司以為後戒焉

唐高祖武德元年七月唐申詔曰隋代離宮別館遊憩之所並  
廢之

十月庚辰詔曰國初草創且不暇給凡厥禮儀鮮能盡備且生  
人未久凋弊寔多至於畜產思致蕃息祭祀之本皆以為身窮  
極事神有垂正直殺牛不始禴祭明得即是馨香望古推今祭  
神一揆其祭圓丘方澤宗廟以外並可止用少牢先用以申者  
宜用特牲待時和年豐然後克循常禮高宗凡所營為務從簡  
易服用取給而已

太宗貞觀二年八月乙未公卿奏曰依禮季夏之月可以處臺  
榭今隆暑未退秋霖方始宮中卑濕請營一閣以居之帝曰朕  
有氣病豈宜下濕若遂來請糜費糧多昔漢文帝將起露臺而  
惜十家之產朕德不建于漢帝而所費過之豈謂為民父母之  
道也固請于竟不許

四年十一月乙丑戶部奏客省須麻十萬綾帝曰麻為鞞鞋得



供國用自今窘苦宜以為芻蕘為之又將作大匠竇進脩營洛陽宮帝務存節儉璉乃於宮鑿池起山崇飾彫麗虛費功力帝聞之大怒遽令毀之璉又坐是免

十年二月壬寅帝謂侍臣曰朕頃因覽劉聰傳聰將為劉后起鷄儀殿遂尉陳元達諫聰大怒命斬之劉后手疏啓請甚切聰怒解而甚媿之人之讀書欲廣聞見行之難也朕於藍田市未將別為一殿取制兩儀仍構重閣其木已具遠想聰事斯作遂止

二十二年四月以類造宮室務從卑儉終費人力帝謂侍臣曰唐堯茅茨不翦以為儉德不知堯時無瓦蓋桀紂為之若於無瓦之晨為茅茨者未為儉德不翦之言蓋書史粉飾之耳朕今構采椽於椒風之日立茅茨於有瓦之時將為節儉自當不謝

古昔肖宮室之廣大役人功以此再思不能媿

高宗永徽六年十一月戊子詔曰少府監非軍國所須宗廟之用並不須飾以珠玉諸州常貢珠寶者並宜停進其市肆間不得便為彫鏤及貨鬻珠寶及金銀等物

龍朔二年六月癸亥詔曰比每誕育王子公主諸親慶賀多進綿綉纂組金銀雕鏤虛有糜費深屯節儉自今已後即宜並停玄宗先天二年八月戊午勅曰禮曰寧儉書戒無逸畜禮曰財為國之本至如賜酺合宴正欲與人同難廣為聚斂故非取樂之意况目徇於奢是不戒也心勞於偽是不經也殷鑒于此良用憮然自今已後兩京及天下酺晏所作山車旱船結綵樓閣寶車等無用之物並宜禁斷

開元二年七月乙未內出珠玉綿綉於殿庭焚之勅曰朕聞珠

玉飢不可食寒不可衣故漢文云雕文刻鏤傷農事錦綉纂組  
害女工農事傷則飢之本女工害則寒之源又賈生有言曰夫  
人一日不再食則飢終歲不製衣則寒飢寒切體慈母不能保  
其子君焉得以有其人哉朕以耿身託於王公之上曷嘗不日  
肝忘食未明求衣使朴反還淳家給人足而倉廩未實飢饉相  
仍水旱或憊糟糠不厭靜思厥故皆朕之咎故有漿酒藿肉玉  
食錦衣互相誇尚浸成風俗夫令之所施惟行不惟反人之化  
上從實不從言是以古先哲王以身率下如風之靡何俗不易  
此事近有處分當以施行朕若躬服珠玉目玩錦綉而欲公卿  
節儉藜藿敦朴是揚湯止沸涉海無濡不可得也是知文質之  
風此上而始朕欲損金抵款塞本澄源所以服玉金銀器物今  
付有司令鑄為錠仍貯掌以供軍國珠玉之貨無益於時並宜

焚於殿前用絕浮競至誠所感期於動天况凡百有遺朕命其  
宮掖之內后妃以下咸服澣濯之衣求除珠翠之飾當使金土  
同價風俗大行日用不知克臻至道而告遐邇如朕意焉戊戌  
詔天下更不得採取珠玉刻鏤器玩造作錦綉珠繩織成帖緇  
二色綾綺羅作龍鳳禽獸等異文字及堅擱錦文者決一百受  
雇工匠降一等科之兩京及諸州舊有官織錦坊宜停

十二年正月戊寅勅曰朕聞舞者所以節八音而行八風豈徒  
誇詡時代眩曜耳目而已也自立雲韶內府百有餘年都不出  
於九重今欲陳於萬姓莫於群公同樂豈獨娛於一身且珠翠  
綺羅孰非珍玩常念百金之費每惜十家之產是以所服之服  
俱作綺羅所冠之冠亦作珠翠若弋綿之制大帛之衣德雖謝  
於古人儉不忘曩哲庶羣公寺觀此當體朕之不奢

肅宗至德二年十二月詔宮女及狗狗鷄鷹鷄之數宜即停減屋宇車輿衣服器用並宜準式珠玉寶鈿平脫金泥織或刺綉之類一切禁斷

乾元二年正月戊寅帝籍耕田先至於先農之壇因閱耒耜有雕刻文飾者謂左右曰田器農人執之在於朴素豈貴文飾乎乃命撤之

下詔曰古之聖王臨御天下莫不務農敦本實儉為先蓋用勤身率也下屬東耕啓候爰事籍田將欲勸彼蒸人所以執茲耒耜如聞有司所造農器妄加雕飾殊匪典章况糾轅縹軛固前王有制崇奢尚靡諒為國所疵靖言思之良用歎息豈朕法克舜重茅茨之意邪其所造雕飾者宜停仍令有司依農用常式即別改造庶萬方黎猷知朕意焉

三月壬寅詔曰朕聞古者皇王乘時致理莫不上稽天象下順人心所以革弊移風順成布化也朕自纂膺鴻業再復寰區何嘗不勤已勵精兢兢業業一物失所爰軫納隍之憂四方未寧深懷馭朽之惧頃雖汾華之令隨事每下而弛張之要未得其宜遂使人瘼尚繁寇虞猶梗有垂政本諒在朕躬用懷酌損之儀庶叶惟新之典自今已後朕常膳及服御等物悉從節減周身之外一切並停武得中尚等作坊除造賞物賜蕃客將士器物及軍戎祠祭所要餘亦並停

上元二年八月壬申內宴宰臣已下內出妓樂不過數人甚儉司徒蕭中書令郭子儀等上表曰臣聞古先哲王莫不崇儉以阜時戒奢以敦本勤以樹善利在化淳伏惟乾元大聖光天文武孝感皇帝陛下績戎盛業脩歷諸難功存造化澤被氓俗至

於服用之飾聲樂之娛誠宜有所增加以彰聖德今日十六日  
臣等伏蒙天恩幸霑內宴切見後庭妓樂其數非多衣製儉薄  
頗為逼下顧無麗綺之玩是行負素之風恭惟睿慈允臻於道  
昔漢文帝念中人之產晉武焚外國之裘皆抑止於有餘匪謙  
讓於當公以今此古無德而稽况聖作物觀者自格言上行下  
效存於理體陛下以農桑未乂軍務猶虞思懲富教之由率先  
儉約之化康寧之福莫尚於此臣等備位宰臣取當毗贊恐盍  
烈無紀臣下未知請編之史策宣下中外詔曰儉德之恭失約  
者鮮格言為重理道在茲朕志復淳淳用齊海內振其玄化鏡  
以至清非謂艱難之時自崇撲素之本無聲之樂庶聞於四方  
曳地之衣將比於前古且率人而自我亦操木而銷金為君之  
難事當乎增惕股肱之義務在乎弼違期於啓沃之勤不在延

君之譽為人上者此道惟常豈可付以史官宜於中外載循來  
表殊匪朕懷翠日天子賓客韓擇木入奏因奉賀節儉妓樂衣  
無綺綉之飾食無珍羞之具上因出衣袖以示之曰朕此衣已  
三度浣矣

代宗寶應元年六月戊午勅尚食等厨三分量減一分所司不  
得輒有奏請至秋熟後任依常式

廣德二年二月乙亥南郊已畢勅曰朕思素儉敦以淳風必約  
嚴章以齊侈俗其珠玉器玩寶鈿雜綉等一切禁斷

德宗初即位大歷十四年閏五月癸未詔罷梨園使今伶官之  
冗食者三百餘人留者隸大常

四月丙戌詔曰四方貢銀器有以金飾者去之

六月己亥勅曰乘輿服御量加減省務敦質素天下進獻事緣

效祀陵廟所須依前勿闕餘並擇節歸於省約奇器異服錦綉珠王者並不得輒有進獻

七月庚午詔王者不寶遠物所寶惟質故充設茅茨禹卑宮室光武捨去寶劍順帝封還大珠朕仰止前王思齊朴素邕州所奏金坑誠為潤國害人於利非朕素懷方以不貪為實惟德其物豈茲難得之貨生其可欲之心耶其金坑任人開採官不得占先是元載馬瑗劉忠翼之弟自天寶中京師堂窳已極弘農而第宅未甚逾制然衛公李靖廟已為嬖人楊氏廐矣及安國史二逆之後法度推壞太臣宿將競崇棟宇臺謝之飾無不復界限力窮乃止人謂之木妖而馬璘之堂尤盛計錢二十萬貫他室稱是既而璘卒於軍以喪歸京師士庶歆歡其究麗假名於故吏投刺會弔者數十百人故命撤毀之自是京師樓謝之

踰制皆毀癸酉詔戒服物供獻之屬以千數德宗始即位德音屢下務存儉德内外人心皆得其理

建中元年十月己丑詔戒膳羞常貢之數

貞元二年四月辛巳陝虢觀察使李泌奏虢州盧氏縣山治近出瑟瑟請充貢獻禁人開採詔曰瑟瑟之寶朕不飾器玩不尚珍奇常思返朴之風用明躬儉之節其出瑟瑟處任百姓採不宜禁止

三年正月庚戌詔内外諸親設祭於大行皇后並不得假飾花果已後公私集會並宜准此

順宗貞元二十一年二月即位甲子赦曰清淨者理國之本恭儉者修己之端朕臨御萬邦方弘此道苟可濟物于何憂焉宮掖之中宜先首約其後宮細人子弟音聲人等並宜放歸親族

憲宗元和五年十一月丙午帝謂宰臣曰朕以禁中舊殿歲久危壞昨令有司經度資費非多意欲漸葺搆之所莫城功不毀但緣國用未贖物力猶屈是以每務簡儉情在不勞至於車服飲食亦深畏奢侈以是思之不知竟可營造否權德輿對曰陛下以至德憂人情存節用此實為理之本仲尼謂大禹卑宮室菲飲食惡衣服以為無間然漢文帝欲起露臺召匠計衣直百金帝曰中人十家之產吾奉先帝宮室常恐羞之何以臺為遂止是以文帝之代四海富庶俗禮讓一歲斷獄終百人幾致刑措前史以為美俊後王用為師表且簡則不勞人儉則不糜財人安財足天下自化上好奢侈則下以變風人務縱慾爭奪自起今陛下至誠恭儉有過昔王卑宮愛人動務至理實天下蒼生甚幸

文宗大和元年四月壬辰勅皇太子料宜權停敬宗以晉王位居中嗣時方二歲已命有司供獻盡同儲副至時權罷之壬寅命毀放鴨亭子是日敬宗嘗於昇陽殿東增置亭沼多聚水禽謂之放鴨亭子是日命毀之戊申幸教坊迴仰望仙門側有看數十間帝以不復遊御命毀之

二年五月庚子詔應諸道進奉內庫四節及降誕進奉金花銀器并纂祖文綾纈雜物並折充提銀及綾絹其中有賜與所須待五年後續有進止

文宗銳意求理每與宰臣議政深惡侈靡故每下詔勅常以敦本崇儉為先庶乎上行下效之有漸也丁巳命內官赴漢陽公主等宅宣每遇對日不得廣插馭梳不須服短窄衣服

三年九月辛巳命中使宣兩軍中尉及諸司使內官等不許着

紉縠及綾羅等自艱難以未風俗寢歸奢靡權邪貴近競相尚  
服飾必以儉素為先思有以自近懲革由是孜孜以留意其後  
駟馬都尉常展仁入見巾夾羅巾以進帝謂曰本慕卿門戶清  
素故俯從選尚如此中服從  
他諸戚為之卿不須為也

十一月甲午詔四方並不得輒以雜行樣難行非常之物為獻  
其於織屢若花絲布撩綾之類並禁斷勅到一月日機杼一切  
禁棄

開成四年正月丁卯夜於咸泰殿觀燈作樂三宮太后及諸公  
主並赴晏帝思節劔天下衣服咸有制度左右覲幸莫敢踰越  
延安公主衣裾寬大即將遣歸駟馬都尉竇瀚侍罪勅曰公主  
入參衣踰制從夫之義過有所歸竇瀚宜奪兩月賜錢又便殿  
對六學士帝語及漢文恭儉因舉袂曰此瀚濯者三矣  
宜春秋既盛在藩邸時備知民間疾事廷莫對曰臣無不議及

百姓又性尚儉素先宮中每有行幸即以龍腦鬻金籍之於地  
至是帝皆不許之時人方之漢文帝

後唐明宗以同光四年四月即位甲寅赦曰夫人不能自理立  
君以理之豈可殫天下之賦租為宮中之訖好後宮內職量畱  
一百人其餘任歸骨肉內官守閤掌扇量畱三十人教坊音聲  
量畱一百人鷹犬之事以備蒐狩量畱二十人御厨膳夫量畱  
五十人其餘任從所適內諸司使務有名無事者並從停廢  
天成四年四月壬寅武德使上言重修嘉慶殿請丹漆金碧以  
營之帝曰此殿為火為廢不可不脩但務宏壯何須華侈尋改  
為廣壽殿

末帝清泰二年五月庚戌詔不得貢奉寶裝龍鳳雕鏤刺作組  
織之物

晉高祖天福二年四月戶部尚書王權奏臣聞誠奢從儉惟經國之遠圖務實去華乃前王之令範伏惟皇帝陛下開基創業應天順人顯崇朴素之風克協聖明之訓臣伏見諸侯奉貢九土勤王羅紈則織麗竒工器四則雕鏤異伏文之綿綉雜以珠璣雖外表珍華而事近淫巧臣伏請特降勅旨頒下列藩自令奉貢其織麗匹段等酌其物料所直折進生白重緝可將一匹之織麗變數匹之縑縉又進奉銀器及鞍轡等並不在雕鏤金玉其餘衣甲器械並不在飾以銀裝之布金彩如有鉤玦瑕處可將銅鐵代之足以換彼鮮明益其堅利雖所裁省輕同積羽而所集者重可如山匪唯淳厚國風抑亦豐資天府勅王權素推華族方處重官觀四海之貢輸虛陳巧麗察五兵之器用柱飾珍竒不唯耗彼生靈實且傷於淳素爰陳章疏將召和平宜

允敷敷明示誠約自今後臣寮貢奉不得務其淫巧衣甲器械不得飾以金銀咸委遵行勿得踰越仍付所存

十一月湖南馬希範進金漆栢木銀裝起突龍鳳茶床椅子床子經羅金銀線綉褥紅絲網子又進金銀玳瑁白檀香器皿銀結條假果花樹龍鳳鑿畫鼓等物又進含膏桃源洞白茅百靈藤渠江南嶽紫蓋峯白雲洞清光等茶又進蟬翼鍾乳頭香石亭脂木瓜丸一萬顆藥橄欖子帝覽之謂侍臣曰竒巧傷心斯何用耳藥茗可進而丸可食乎但地僻海曲習以戒風來遠之道遽止為難且令所司與收聞者服其儉德

漢高祖乾祐元年詔曰卑宮菲食前代之令猷華鳥縵衣哲后之明德至於損上益下借力愛人莫息煩竒漸期富庶所有乘輿服御後宮費用大官常膳一切減損在京及內諸司并天下



州府除應奉軍期急外其餘不急之務非理營造並皆停罷免  
致勞後

周太祖廣順元年正月制曰朕早在藩鎮常戒奢華今御寰區  
尤思節儉况國家多事帑藏甚虛將緩憂勞所宜省約應乘輿  
服御之初不得過為華飾宮闈器用並從朴素大官常膳一切  
減損諸道所有進奉比助軍國支費其珍巧織華及奇禽異獸  
鷹犬之類不在輒有貢獻諸無用之物不急之務並宜停罷  
二日內出宝玉器數十有茶籠酒器枕及金銀結縷之裝床几  
飲食之具碎之於殿庭有一玉杯累擲之不壞樞密使王峻上  
請太祖笑而賜之太祖謂侍臣曰凡為帝王安用此為近聞漢  
隱奧嬖寵嬉戲珍華宝玩不離於側覆車未遠且以為鑑仍戒  
左右今後凡有珍華悅目之物不得入宮

世祖顯德五年六月壬申宣徽院進呈御食物料之數帝因批  
出曰朕之常膳所用物料今後減半餘人所食即湏仍舊

五  
九  
三



